

МЕСЯЦА ИЮНЯ В 23-Й ДЕНЬ

Срѣтение чудотворныя иконы Пресвятѣя Богородицы, яже нарицается «Владимирская»

ВѢЧЕР

Блажен муж: **На Господи, возвах: стихиры на 8, глас 4.**

Подобен: Яко дбля:

Мко светоносная палата / и одр всезлатый,
Богородице Владычице: / Ты бо Слово
Божие / во Твоих ложеснах вместила еси, / и,
рождши нам Солнце незаходимое, / Свет
невечерний, / наша прежде неразумием омрачен-
ная сердца / благоразумием осветила еси, / и льсти
тму разорила еси.

Твоим Рождеством адова крепость разорися, / и
все человечество спасено бысть, / ныне же Твоими
молитвами / врагов наших шатание низложит, / и
крепость их сокрушит, / и людем Твоим победы на
враги даруй, / да посрамятся вси, / являющие
рабom Твоим злая.

Богородице Владычице, / державная Помощни-
це, / укрепй славящую Тя страну на враги, / да
якоже древле спасла еси Царский град от нахож-
дения поганных, / тако и ныне спасй страну Россй-
скую от нахождения вражия, / от междоусобныя
рати, / от глада же и труса, / Дево Неискусобрач-
ная. / Сего ради Тя славит страна Россйская, /
человеком Помощницу.

Ныне страна Россйская / о Тебе хвалится и
веселится, / имеючи Тя Заступницу непостыдную /

и стѣну нерушиму, / граду нашему непоколебимое
основание, / стража неусыпна земли Россійския. /
Не преста́й ны́не Твоими, Госпоже́, моли́твами /
избавля́ти Твой град и лю́ди от всех бед.

Тебе́ припада́ют, Госпоже́, / святите́лей сосло́вие
и собо́ри, / совокупле́ние всех, мона́си и прости́и /
и весь наро́д, уми́льно моля́щеся, / Тебе́ ны́не
кля́няющеся, / и любе́зно целу́юще Твой о́браз, / и,
моля́щеся, глаго́лют: / чту́щий Тя град всегда́
спаса́й от всех бед.

И́ны стихи́ры, глас 8.

Подобен: О, пресла́внаго чудесе́:

О, пресла́внаго чудесе́! / Иже невместимый небе́с-
сы́, / и Ангелы сла́вимый, / и от Серафимов по-
ёмый, / на зе́млю соше́д, в Твою́ утробу́ вместис́я / и
ключа́ де́вства не разруши́, / на́ше естество́, дрѣв-
ле от диа́вола му́чимо, изъя́т / и весь род челове́че-
ский свободи́, / Тебе́ же, Госпоже́, Засту́пницу нам
дарова́. / Тем не преста́й сохра́няти / и спаса́ти
ду́ши на́ша, я́ко Милосе́рда.

О, пресла́внаго чудесе́! / Се заступле́ние при-
иде́, / супротивле́ние низложис́я, / град наш спа-
си́, / враги́ на́ша прожени́ / и нас, рабо́в Твои́х,
Твоею́ ми́лостию возвесели́, / О Бо́жия Сло́ва
селѣние! / Род челове́ческий, чту́щий Тя, / всегда́
спаса́й от всех бед.

Подáждь утешѣние Твои́м рабо́м, Чистая, / напá-
стными одержимым, / и рог вѣрных вознеси́, / Бого-
родительнице Маріе, / спаси́ моли́твами Твои́ми
град Твой неразруши́м, / и ва́рварская шата́ния
низложи́, / и нас, рабо́в Твои́х, Безневѣстная, /
хва́лящих Тя, спаси́.

Сла́ва, и ны́не, глас 8:

Прииді́те, росси́йстии собо́ри, / прииді́те, вѣр-
ных совокупле́ния, / в срѣтѣние Цари́цы Богоотро-
кови́цы: / се бо грядѣ́т Цари́ца Свои́м о́бразом
честным, / спасти́ град и лю́ди, от сопоста́тных
пога́н невоева́ны. / О, чу́до ве́лие и пресла́вное / и
пребо́льши ума́! / Ка́ко пришѣ́ствием честна́го Ея́
о́браза сопроти́вни побежда́ются / и оте́чество
на́ше утвержда́ется? / Но́щь упраздни́ся, и де́нь

приблизися./ Егóже ráди Тебé, винú спасéния нáшего, естество нáше приéмлет/ и вся тварь воспевáет, Ти зовúщи:/ ráдуйся, Предстáтельница, и Помóщнице,/ и спасéние душ нáших.

Вход, прокíмен дне. Чтéния три.
Бытиá чтéния (главá 28):

Изыде Иáков от студенцá кля́твеннаго и íде в Харра́нь./ И обре́те мéсто, и спа та́мо,/ за́йде бо со́лнце;/ и взят от ка́мения мéста тогó,/ и положи́ возгла́вие себé,/ и спа на мéсте о́ном, и сон ви́де./ И се лéствица, утверждéна на земл́и,/ ея́же главá досяза́ше до небéс,/ и А́нгели Бóжии восхожда́ху и низхожда́ху по ней./ Госпóдь же утвержда́шеся на ней и рече́:/ Аз Бог Авраáмов, отцá твоегó, и Бог Исаáков, не бойся./ Земля́, иде́же ты спи́ши на ней,/ тебé дам ю́ и се́мени твоему́./ И бу́дет се́мя твоё, я́ко песо́к земный́,/ и распространит́ся на мо́ре, и Л́иву, и се́вер, и на восто́ки,/ и возблагословя́тся о тебé вся ко́лена земна́я и о се́мени твоём./ И се Аз с тобо́ю, сохраня́яй ты на вся́ком пут́и, а́може а́ще по́йдеши./ И возвра́щю́ ты в зéмлю си́ю, я́ко не íмам тебé оста́вити,/ дóндеже сотвори́ти Ми вся, ели́ка глаго́лах тебé./ И воста́ Иáков от сна своегó и рече́:/ я́ко есть Госпóдь на мéсте сем, аз же не ве́дех./ И убо́йся, и рече́:/ я́ко стра́шно мéсто си́е,/ несть си́е, но дом Бóжий,/ и си́я врата́ Небéсная.

Проро́чества Иезеки́илева чтéние
(гла́вы 43 и 44):

Та́ко глаго́лет Госпóдь:/ бу́дет от дне осма́го и прóчее,/ сотвори́ят иере́и на олтари́ всесо́жжéния ва́шего/ и я́же спасéния ва́шего,/ и прииму́ вы, глаго́лет Адо́най Госпóдь./ И обрати́ мя на путь врат святы́х вnéшних, зря́щих на восто́ки, и си́я б́яху затворéна./ И рече́ Госпóдь ко мне:/ врата́ си́я затворéна бу́дут и не отве́рзутся,/ и никто́же прóйдет сквозé их,/ я́ко Госпóдь, Бог Изра́илев, прóйдет íми, и бу́дут затворéна./ Я́ко игу́мен сядет в них снэсти хлеб,/ по пут́и ела́мских врат вни́дет и по пут́и егó изы́дет./ И введе́ мя по пут́и врат святы́х, сущих к се́веру, пря́мо хра́му,/ и ви́дех, и се испо́лнь сла́вы храм Госпóдень.

Притчей чтение (глава 9):

Премудрость созда себе дом и утверди столпов семь. / Закла своя жертвенная, и раствори в чаше своей вино, / и уготова свою трапезу. / Посла своя рабы, созываючи с высоким проповеданием на чашу, глаголющи: / иже есть безумен, да уклонится ко мне. / И требующим ума рече: / приидите, ядите мой хлеб и пейте вино, еже растворих вам. / Оставьте безумие, и живи будете. / И взыщите разума, да поживете / и исправите разум в ведении. / Наказуяй злыя приимет себе безчестие, / обличаяй же нечестиваго опорочит себе, / обличение бо нечестивому — раны ему. / Не обличай злых, да не возненавидят тебе, / обличай премудра, и возлюбит тя. / Дажь премудрому вино, и премудрший будет. / Сказуй праведному, и приложит приимати. / Начало премудрости — страх Господень, / и совет святых — разум. / Разумети бо закон помысла есть благаго: / сим бо образом многое поживеши время, / и приложатся тебе лета живота.

На литии стихирь, глас 2. Самогласны:

Яко воистинну древняго кивота пречестнее, / егда Давид, собрав чины, ликовствоваше, / ныне Твоя, Богородице, икона, / ейже предстоят архиереев собори, / и с чинми Ангел, / и все христоименитых людей множество / достойно блажат Тя, Матерь Божию, / и прославляют раболепно, / и чествуют, и поклоняются, / и молятся Тебе по Бозе: / да мир умириши в православии, / и отечество утвердиши, / и спасеши от всех зол Твоя рабы, / яко едина Благословенная.

Предстоят Ти, Госпоже Богородице, / пред Твоим, Пречистая, образом, / архиереев сословие и вси людие, / монаси и прости, / вѣдуще Тя воистинну Помощницу сильну и непобедиму, / моления Тебе приносят от всея души подвизаются / и поущают на молитву к Богу, / требующе Твоея помощи, / да прострѣши богоносныя Твоя руки / и умолиши за мир. / Вонми и услыши, Владычице, / и подаждь утешение рабѣм Твоим, / дондеже не

одолеют ны грехи наша тяжкия и лютыя: / Твоея бо всегда требуем вси помощи.

Глас 8: Първее написавшейся Твоей иконе / евангельских таин благовестником / и к Тебе, Царице, принесенней, / да усвоиши Ту / и сильну соделаеши спасти чествующия Тя. / И порадовалася еси, яко сущи Милостива, / спасения нашего Содетельница, / яко уста и глас иконе бывше, / якоже и Бога внигда зачинаючи во чреве, / песнь воспела еси: / се отныне ублажат Мя вси роди. / И, на ту зрящи, глаголала еси со властью: / с сим образом благодать Моя и сила. / И мы истинно веруем, яко се рекла еси, Госпоже: / сим образом с нами еси. / Тем благоговейно предстояще, поклоняемся Тебе, раби Твои: / посети ны Твоими Матерними щедротами.

Глас 7: Горá еси великая и преславная, / паче горы Синайския, Богородице. / Она́ бо, не терпяше снiтия славы Божия, во образех и сенах, / огнем возгарашеся, / и громи и молнии тамо быша. / Ты же, весь Божественный огонь сущ, / Божие Слово во чреве Твоем неопально носила еси / и от сосец Твоих млеко́м питала еси манием Носящаго вся. / И Матернее дерзновение к Немú имущи, / помози, Владычице, верно празднующим Твой честный праздник / и не забуди, милостивно посещаючи, / прияла бо еси от Бога дар / строити и покрывати христоименитое стадо, рабы Твоя.

Слава, и ныне, глас 6:

Тебе вси роди человечести / хвальныя дары приносят, Владычице, / и молятся яко Царице и Матери Божии, / пророцы Тя премудро проповедаша, / левити благословиша, / апостоли и мученицы исповедаша, / вся сословия поклоняются, / архиерее проповедают, / монаси и прости благоговейют, / богати и убози, сироты и вдовы, / и всяк возраст, и всяко преспяние, / старческое и младенческое, / под кров Твой державный с верою прибегаем: / покрый и соблюди, Госпоже, молитвами Твоими / и спаси от бед души наша.

На стихóвне стихи́ры, глас 8.

Подóбен: Чтó вас наречём:

Чтó Тя наречём, Богорóдице Влады́чице? / Кóренъ ли Иессéев? / От Тебé бо нам Христóс, яко цвет, изыде. / Мánну ли вёрных сердца́ улаждающую Твоём Рождествóм? / Руно́ Гедео́ново? / На Тя бо Христóс, яко роса, сниде / и Тя Засту́пницу нам показá. / Егóже моли́ спасти́ дýши нáша.

Стих: Сль́ши, Дщи, и виждь, / и приклонí у́хо Твоё.

Да вси похва́лим, вёрнии, / таковó нам заступлénне да́вшую непосты́дное, / и непреборíмое на врагí одолéние побéдное, / и нам всем спасéние, / и граду́ нáшему стéну и покрóв, / и основáние непоколебíмое, / и отéчеству нáшему на сопостáты посóбие, / и непобедíмую побéду.

Стих: Кля́тсЯ Госпóдь Давíду й́стиною / и не отвёржетсЯ еЯ.

Достóйно Тя блажít человекéский род, Чíстая, / яко спаса́еши чтúщия Тя от всех бед. / Ты бо, Госпожé Дéво Чíстая, / Засту́пница непосты́дная Твоём рабóм показáлася есí / и Молíтвенница теплá к Бóгу / от находя́щих скорбéй. / Тобóу вáрварская шатáния разрушáются / и стрéлы вражия упражня́ются, / и, рабí Твой, от одержáщих бед избáвльшесЯ, / Тя, Богомáти, пёсньми ублажáем.

Слáва, и ны́не, глас то́йже. Самогласен:

Да ра́дуютсЯ россия́стии собóри, / да ликовству́ет естество́, / яко Твоегó, Чíстая, честна́го óбраза пришéствием / град наш спаса́ется, / рабí Твой, от одержáщия нúжды избáвльшесЯ, / Тебé, Чíстая, взывáют: / ра́дуйсЯ, добрых винóвная, / и Засту́пнице непосты́дная, / и спасéние душ нáших.

Тропа́рь, глас 4:

Днесь свéтло красу́ется слáвнейший град Москвá, / яко зарю́ со́лнечную, восприёмши, Влады́чице, чудотворную Твою́ икóну, / к нейже ны́не мы притека́юще и моля́щесЯ Тебé, взывáем сйце: / о пречúдная Влады́чице Богорóдице! / Моли́сЯ из Тебé воплощённому Христú Бóгу нáшему, /

да избáвит град сей и вся грады и страны христіанскія невредімы от всех навёт вражіих / и спасёт души наша, яко Милосёрд.

НА УТРЕНИ

По 1-й стихоло́гии седа́лен, глас 4.

Подобен: Удивіся Иосиф:

Божественными зарями просвети поющая Тя и умы утверди, Непорочная Дево, / крепкая Заступнице мира всего. / Темже торжествуем вси, любовь поюще Тя и пришествие Твоего образа славяще: / не престай, Дево, молитвами Твоими спасаючи рабы Твоя от всякия беды, / едина Благословенная.

Слава, и ныне, Богородичен:

Невесто Неискусобрачная, премудрости село показася утроба Твоя Бога Слова: / Ты бо едина, Мати Божия, благих Ходатаица явившися, / всяких страстей избави рабы Твоя, непрестанно воспевающая славу Твою.

По 2-й стихоло́гии седа́лен, глас 3.

Подобен: Красоте девства:

Яко звезда многосветлая, взыде от востока к западу Твоя образ, Богомати, / озари скорби тьмою одержимых, и прещения враг избави, / и, вся тех сети разрушив, явися Предстательница крепкая, / оружие непобедимое на враги миру всему: / из Тебе бо всех Владыка плоть приим, вся человеки обожь.

Слава, и ныне, тойже.

По полиелее́и припе́в:

Досто́йно есть величати Тя, Богородице, / честнейшую Херувим / и славнейшую без сравнения Серафим.

Псалом избранный: Бóже, суд Твой царевидажь.

Та́же седа́лен, глас 1:

Блаженна еси Ты, Богородице Чистая, / величества Твоя кто воспети может? / Еже чудо страшно и чудо велие содеявши, / Твоими молитвами, Богомати, чтущий Тя град всегда освобождается от

всех бед, / тьмы и мечá, погáных пленения и всякаго гнѣва. / Тѣмже мы, зряще честное образа Твоего пришествие, / хвáлим, яко Царѣцу воспевающе, вѣрнии, / словесы Тя. Чистая, блажаще, глаголем: / Богородице Чистая, моли Воплощеннаго из Тебѣ спастися душам нашим.

Слава, и ныне, тойже.

Степenna, 1-й антифóн, 4-го гласа. Прокíмен: Помяну́ имя Твое / во всяком родѣ и родѣ. **Стих:** Слы́ши, Дщи, и виждь, и приклонí ухо Твое. **Всякое дыхáние: Евангелие от Лукí, зачáло 4.**

По 50-м псалмѣ стихíра, глас 2:

Готóвися, всечестный граде Москвá, / на срѣтене Дѣвы Богомáтере: / се бо грядѣт к тебѣ / свѣтлое великое солнце от врат затворенных. / Тьма úбо скорби твоея отгоняется, / свет же твоего веселия исполняется, / бýря сопротивных вѣтров уставляется, / мýжие и священницы в печáлех сладкое утешение приѣмлют, / Царѣце единой поклоняются / и, молящися, глаголют: / Пречíстая Дѣво, / мольбáми Твоими избáви рабы Твоя / от всякия беды и печáли.

Канóн похвалѣ Богородицы со ирмосóm на 6 и прázдника, глас 4, на 8.

Песнь 1

Ирмос: Отвѣрзу уста моя, / и наполнятся Дýха, / и слово отрýгну Царѣце Мáтери, / и явлюся, свѣтло торжествýя, / и воспою, радуясь, Тоя чудеса.

Просветí, Владычице, души наша зарю Божию, пáче умá благодáтию Твоею, / и незавiстный дар подаждь ми воспѣти Тя, / яко Помóщницу человѣческому существу, Препѣтая, / вѣрное заступлѣние, на врагí побѣду отѣчеству нашему.

Приидите, соберитесь, россиясти собóри, / в пречестный храм Всенепорóчныя Владычицы / и возопийте, умíльно молящися, к честному образу взирающе: / Богородице Безневѣстная, хвáлящая Тя спасí.

Твой, Богомáти, всечестный óбраз / Богогласный Евангелия Христова списáтель, пребоже-

ственный Лукá, написáв, / Творцá всех на Твои́х
честныхъ рукахъ вообрази́, / к нему́же притека́ющия
напа́сти и печа́ли избавля́еши / и вся покрывáеши
Твоею́ мило́стию.

Храмъ прекра́сный, Содо́тель всех еди́ну Тя
обрéт, / в Тя всели́ся и челове́ки обожи́. / К Нему́же
за ны, Богоро́дице, моли́ся, / спасти́ ны от погáных
плене́ния и вся́кия инья́ скорби́, находя́щая на
ны, / да Твоего́ днесъ о́браза срéтение всечестно
пра́зднуем.

Песнь 3

Ирмосъ: *Твоя́ песносло́вцы, Богоро́дице, / Живы́й
и Незави́стный Исто́чнице, / ликъ Себе́ совоку́пль-
шия, духо́вно утверди́, / в Божество́нной Твое́й
сла́ве / венце́в сла́вы сподо́би.*

Все помышле́ние отвéргше, Богому́дри, при-
иди́те в срéтение прекра́сныхъ зарí, / держа́щая
пресвётлую лу́чу, вся просвеща́ющую / и мило́-
стию весь мир обогáщшую.

Твою́, Богома́ти, всечестну́ю и чудотво́рную
ико́ну россия́стии лю́ди стяжа́вше, / я́ко заступле́-
ние крѣпко и стѣну́ неруши́му, / моля́тся Ти, на
враги́ побѣду дарова́ти оте́честву на́шему.

Облакъ светозáрный показа́ся, / росóю благода́ти
вся омыва́ющи телесны́я сквѣрны / и ду́ши просве-
ща́ющи, еди́на Всепѣтая.

Дре́во многопло́дно яви́лася еси́, пи́щею неги́б-
лющею вся насыща́ющи, / ду́ши же веселя́щи,
Богоневѣсто Чы́стая, / добродей́ния всемъ источи́ / и
от скорбей́, ну́жныхъ спаси́.

Ин конда́к, глас 8.

Подобенъ: Взбра́нной:

К Взбра́нной Воево́де и Засту́пнице, Де́ве и
Богоро́дице, / в чы́стей со́вести, ве́рою утвер-
дивше́ся, ру́sstии наро́ди, / невозвратно наде́жду
иму́ще, притеце́м, / к чудотво́рному Ея́ и пречи́сто-
му о́бразу, и возопие́м Ей: / ра́дуйся, Невѣсто
Неневѣстная.

Седáлен, глас 4.

Подобенъ: Удиви́ся Ио́сиф:

Наро́ди боголюбивии, прииди́те в срéтение: / се
бо приходи́т Де́ва, всех проро́ков превы́шши, /
честнымъ Свои́м о́бразом, Жизнода́теля ми́ру на

рука́х имѣючи, / град Свой сохра́нати стра́ждущий, ва́рварскую де́рзость низложѣти, / вообрази́тися всем Храни́тельница тверда́, / держа́ва и огражде́ние ве́рно моля́щимся.

Сла́ва, и ны́не, то́йже.

Песнь 4

Ирмо́с: *Неизсле́дный Бо́жий совет, / е́же от Де́вы воплоще́ния / Тебе́, Вы́шняго, / проро́к Авваку́м усмотря́я, зовя́ше: / сла́ва си́ле Тво́ей, Го́споди.*

Го́ру превелию, ю́же Даниил ви́де, от нея́же ка́мень отсече́ся без руки́ / и вся собла́зны исти́и, ве́рныя же просвѣти, / и́стинное светоза́рное со́лнце показá, лучáми просвещáющи, Богоро́дице Присноде́во.

Воору́жаются на лю́ди Твоя́, Чи́стая Богоро́дице, сы́нове Ага́рины, / злы́й совет творя́ще, гра́ды разоря́юще, ве́рныя же погубля́юще, / но Ты, Всепе́тая, Тво́ею ми́лостію вся низложѣ, / исма́ильтяны враги покаря́ющи оте́честву на́шему.

Не́бо одушевле́но, еди́на Богома́ти, Свет ве́лий приѣмши, / вся просвещáющи, тьму держа́щих бед разже́ни / и нас Вы́шняго прича́стия сподо́би.

Дави́д пред киво́том ликовству́ет, леви́ти же воспева́ют, / па́че же пред Тобо́ю, Богороди́тельнице Чи́стая, / Росси́я хвала́ми яко Царицу воспева́ет, / гласы моле́бными приле́жно Ти вопи́ющи: / ра́дуйся, Засту́пнице гра́да на́шего.

Песнь 5

Ирмо́с: *Ужасо́шася вся́ческая / о Божѣственней сла́ве Тво́ей: / Ты бо, Неискусобра́чная Де́во, / имела еси́ во утробе над все́ми Бо́га / и родила́ еси́ Безле́тнаго Сы́на, / всем воспева́ющим Тя / мир подава́ющая.*

Тебе́, Богома́ти, вели́кий во проро́цех Иса́ия прови́де Ду́хом, / Угль имѣющу во чре́ве, ве́рныя просвещáющ и собла́зны вся пожига́ющ, / спаса́я род челове́ч.

Жезл Ааро́нов прозябла́ еси́ / и зло́бный ко́рень исторгну́ла еси́, Де́во Богоневѣстная, / Жизнода́теля ро́ждши ми́ру, / Егóже моли́ сему́ граду́ спастѣ́ся от мно́гих напа́стей.

Ныне ўбо приступіте с весэліем, Богоизбранное стадо, россиястии собори, / ко Всечестной Божии Матери и честный Ея образ любезно примите: / се бо благодать неисчерпаемая, воды точащи Божественныя неоскудно, / Юже, вернии, почтим и честному образу Ея поклонимся.

От корене Иессеева древо возрастет всем животное, / Плод убо прозяблает еси во утробе Твоей, Дево Чистая, / вся люди насыщающи Твоею милостию.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Ней рождаемого Бога славим.

От Тебе, Богомати, истечет поток сладкий, / вся напаяя люди, душ измывая скверны, Богородице Владычице, / спаси всех, поклоняющихся верно честному образу Твоему.

Вси убо, совокупльшися вкупе, воспоем Чистую Деву, / Богоизбранную лестницу Иаковлю, Геденово же руно, радости Ходатаицу, / крепость и похвалу спасаемых, Богородительницу Чистую.

Се ныне веселие приближается, / скорбь же потребляется, вернии спасаются, / яко от источника радость почерпающе, вину хвалами воспевают: / радуйся, Чистая Владычице, спасения нашего начаток / и всех верных стена и похвала.

Подождь нам помощь мольбами Твоими, Пречистая Богородице, / скорби убо находят на ны и печали умножаются, врази ополчаются, / но Ты, Пречистая, представши, избави, / врагов наших шатание низложи, на враги победу даруй, / да посрамятся вси, являющие рабом Твоим злая.

Кондак, глас 8.

Подобен: Взбранной:

Взбранной Воеводе победительная, / яко избавльшися от злых пришествием Твоего честного образа, / Владычице Богородице, / светло сотворяем празднество сретения Твоего / и обычно зовем Ти: / радуйся, Невесто Неневестная.

Икос:

Ангел предста́тель с Небесé по́слан бысть рещи́ Богоро́дице: ра́дуйся, / и, со безплóтным гласом воплоща́ема Тя зря, Го́споди, ужаса́шеся, / и стоя́ше, зовы́й к Ней тако́вая: / ра́дуйся, Ею́же ра́дость возсияет; / ра́дуйся, Ею́же кля́тва исчéзнет. / Ра́дуйся, па́дшаго Ада́ма воззва́ние; / ра́дуйся, слез Е́виных изба́вление. / Ра́дуйся, высотó неудобовосходи́мая челове́ческими по́мыслы; / ра́дуйся, глубино́ неудобозри́мая и а́нгельскими очы́ма. / Ра́дуйся, я́ко еси́ Царе́во седа́лище; / ра́дуйся, я́ко но́сиши Нося́щаго вся. / Ра́дуйся, звездó, явля́ющая со́лнце; / ра́дуйся, ут́робо Божéственнаго воплоще́ния. / Ра́дуйся, Ею́же обновля́ется тварь; / ра́дуйся, Ею́же покланя́емся Творцу́. / Ра́дуйся, Невéсто Неневéстная.

Песнь 7

Ирмо́с: *Не послужи́ша тва́ри Богому́дрии / па́че Созда́вшаго, / но, о́гненное преще́ние му́жески попра́вше, / ра́довахуся, пою́ще: / препе́тый отце́в Го́сподь и Бог, благослове́н еси́.*

Яко порфи́рою и ви́ссом, червлéною хламíдою, Дéво Богоро́дице Влады́чице, / град Твой, Тобо́ю оде́яся, Христа́ велича́ет / и прише́ствие честна́го Твоего́ о́браза сла́вит, / я́вльшася паче луч со́лнечных / и немра́чным све́том просвеща́юща велегласно хва́лящая Тя.

Скрижа́ли, богопи́санныя пе́рстом Ду́ха, в я́рости Моисе́й сокруши́; / но в Тебе́, Чи́стая, пресла́вный Творе́ц всели́вся, неврédну Тя сохрани́. / Ему́же поём: / оте́ц на́ших Бо́же, благослове́н еси́.

Приими́ Твои́х раб мольбы́, Пречи́стая Дéво Богоро́дице, / непостоя́нную бу́рю ути́ши моли́твами Твои́ми / и сове́ты противных враго́в разжени́, / нападающих на ста́до Твое́, Всенепоро́чная Влады́чице.

Тебе́ еди́ну помо́щницу ро́ду челове́ческому, Богоро́дице Мари́е, / Зижди́тель всех рождество́м Свои́м назна́мена и проро́цы прообрази́ша: / ов Тя дверь, ин же Тя ло́жницу Бо́жию; / мы же Тя воспева́ем Роди́тельницу Бо́жию, и Хода́таицу к Бо́гу, / и Засту́пницу от всех зол, находя́щих на ны.

Песнь 8

Ирмос: *Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и перевозите Его во вся веки.*

Како Тя, Дѣво, по достоянью воспоем? / Помощь твердую, Хранительницу жизни нашея / и Ходатаицу непреложную к Сыну Твоему и Богу нашему, / Егѡже воспеваем и перевозим во веки.

Цвете прекрасный и воня пищная, облагоухаеши, Богородице Маріе, вся, / и спасаеши, и от недуг исцеляеши, бѣсы прогоняеши. / Тѣмже Ти вопиѣм: / радуйся, Помощнице всем молящимся верным.

Стоп явльшися, Богомати, нахождѣния противных отгоня: / Тя бо чтущим сердцем теплым явилася еси стена, и ограждѣние, / и спасительное прибежище.

Давидски воспеваем Ти песнь, гору Божию Тя именующе, Пречистая Дѣво: / Источника бо сущим приснотекущаго источила еси. / Егѡже поем и перевозим во веки.

Песнь 9

Ирмос: *Всяк земнородный / да възграется, Духом просвещаемъ, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодѣво.*

Радости Ходатаице, возвесели наш смысл вопити Тебе, Богородице Чистая: / радуйся, Хранительнице наша, / державо, и ограждѣние, и спасительное прибежище.

Да восхвалят согласно Тя небо и земля, / яко Жизнодателя миру рѡждши: / радуйся, тихое пристанище, животныя воды источниче неисчерпаемый, Владычице.

Собравшеса днесь, людие, во срѣтение Пречистой Божия Матере, / Яже винограда мысленнаго грезни носящи, / вино источающ всегда и веселия всех исполняющ, / яко Богородицу по долгу славим.

Божественная река вод животных, вся удолия напоюще, / наша соблазны, Богомати, погрузи и до конца потреби.

Светилен.

Подобен: Посетил ны:

Да почтится днесь Богомати, Зиждителя рождающая, / райских дверей отверзение и всего мира очищение, / победу давшая христоролюбивому воинству, / о Сей бо пророцы глаголаша, Той поклонимся.

Слава, и ныне:

Пресветлая днесь милостивная светлость, / Божия благодать, вся радостно одождяет небесными тучами, / на стези сладкия направляюще, Богородице Владычице, всех, / познавших Тя земных, Приснодево, / ныне бо вся земля Российская радуется, верую Тя славящи.

На хвалитех стихиры на 4, глас 4.

Подобен: Яко добля:

Наставницу Тя заблуждшим / и пристанище спасительное / в пучине, Владычице, и в буре, / и во искушениях, и в печалех / Христос Тя всем покаже, / Сын Твой и Бог наш, / верно приходящим к Тебе. / Егоже моли от злых бед избавитися / ведущим Богородицу Тя войстинну.

Тление потребила еси / и болезнь, Всепетая, древнюю всю Рождеством Твоим: / Живот бо миру рождаши / и смерть разрушивши, / болезни, Благая, исцеляеши / верно образа Твоего чудеса воспевающих, / и любовьию кланяющихся, / и чтущих Тя, Святую и честнейшую Наставницу.

Яко источник Ты, Препетая, / животы и благодати, источающий чудеса / и цельбу страстей душевных и телесных, / яко быстрину оставления, / милости щедрот неисчерпаемое море видяще, / Тебе припадаем, вси, оскорбляеми ныне, / просяще вси разрешения будущего мучения.

Слава, и ныне, глас 8:

Иже на Херувимех ездяй / и певаемый от Серафим, / сшел еси с Небес пророчески, Блаже, / и вселился еси во утробу Чистыя Богоотроковицы, /

Юже Ангели воспѣша тайно: / радуйся, радостная Дѣво, / необъятнаго яко Бога во чреве Твоѣм приѣмши паче слова, / от неверия в веру мир преводяща; / слава Тебѣ, Христѣ, еди́не Милостиве и Человеколю́бче.

Славословіе великое. И отпу́ст.

НА ЛИТУРГИИ

Блаженны, от канона пѣсни 3-я и 6-я. Служба вся Богородицы.

Аще ли прилучится Срѣтение Богородицы в недѣлю:

В субботу на малой вечерни. Стихиры воскресны Октóиха. Слава, праздника Богородицы. И нѣне, Богородичен 1-й гласа малыя вечерни. На стихóвне стихира еди́на воскресна и стихóвна Богородицы великия вечерни с припѣвы ея. Слава, и нѣне, Богородицы. И отпу́ст.

На велицей вечерни. На Гóсподи, воззвах: стихиры воскресны 4 и Богородице 6. Слава, Богородицы. И нѣне, Богородичен 1-й гласа. Вход. Прокімен дне, чтѣния 3. На литіи стихиры и Слава, и нѣне, Богородицы. На стихóвне стихиры воскресны. Слава, и нѣне, Богородицы. На благословѣнии хлебов тропарь: Богородице Дѣво, радуйся: двáжды, и праздника, еди́ножды, и чтѣние.

На ўтрени. На Бог Господь: тропарь воскресен, двáжды. Слава, и нѣне, праздника. По обоих кафізмах седальны воскресны и с Богородичны их. И чтѣние во Евáнгелии толковом. По полиелѣи седальны Богородицы, вси по еди́нощи. Слава и нѣне, послѣдний седален, ѡже по полиелѣи. И чтѣние праздника. Степенна гласа, прокімен и Евáнгелие воскресно, и прочее все до канона. Канон воскресен со ирмосом на 4, и Богородицы на два, и Богородицы праздника на 8. Катавасія Богородицы. По 3-й пѣсни кондак, ѡкос и седален Богородицы. Слава, и нѣне, тойже. По 6-й пѣсни: кондак и ѡкос воскресен и чтѣние. По 9-й пѣсни светилен воскресен. Слава, и нѣне, Богородицы. На хвалітех стихиры воскресны 4 и Богородицы 4, со славным, со стихі ея. Слава, стихира Евáнгельская. И нѣне: Преблагословѣнна еси́, Богородице Дѣво: Славословіе великое. Тропарь воскресен то́чию.

На литургии Блаженны гласа, на 6 и Богородицы пѣснь 3-я, на 4. Прокімен, Апóстол, аллилуія, Евáнгелие и причáстен дне и Богородицы.

Молітва

О Всемі́лостивая Госпожѣ Богородице, Небѣсная Царі́це, Всемóщная Засту́пнице, непосты́дное наше Уповáние! Благодаря́ще Тя о всех вели́ких

благодѣянных, в роды родов людем россійским от Тебѣ бѣвших, пред пречѣстым образом Твоѣм молим Тя: сохрани град сей (**или:** весь сию, **или:** святую обитель сию) и предстоящая рабы Твоя и всю Зѣмлю Русскую от глѣда, губительства, земли трясения, потѣпа, огня, мечѣ, нашествія иноплемѣнных и междоусѣбных брані. Сохрани и спаси, Госпожѣ, Великаго Господина и Отца нашего (**имя рек**), Святѣйшаго Патриарха Московскаго и всея Руси, и Господина нашего (**имя рек**), Преосвященнейшаго епископа (**или :** архиепископа, **или :** митрополита) (**титул**), и вся Преосвященныя митрополиты, архиепископы и епископы православныя. Дажь им Церковь Россійскую добре управити, верныя овцы Христовы негиблемы соблюсти. Помяни, Владычице, и весь священнический и монашеский чин и спасение их, согрей сердца их ревностію о Бозе и достойно званія своего ходити коегождо укрепі. Спаси, Госпожѣ, и помилуй и вся рабы Твоя и даруй нам путь земнаго поприща без порока преити. Утверди нас в вере Христовой и во усердіи ко Православней Церкви, вложи в сердца наша дух страха Божія, дух благочестія, дух смиренія, в напѣстех терпение нам подаждь, во благоденствіи — воздержаніе, к ближним любовь, ко врагом всепрощение, в добрых дѣлах преуспѣяніе. Избави нас от всякаго искушения и от окаменѣннаго нечувствія, в страшный же день Судѣ сподоби нас ходатайством Твоѣм стати одесную Сына Твоего, Христа Бога нашего, Емуже подобает всякая слава, честь и поклонение со Отцем и Святѣм Духом, ныне и присно и во веки веков. **Аминь.**

Владимирская икона Божией Матери, по церковному преданію, написана святым апостолом и евангелистом Лукой еще при жизни Пресвятой Богородицы. Она написана на доске из стола, на котором совершали трапезу Господь Иисус Христос, Его Пречистая Матерь и праведный Иосиф Обручник. Сама Пресвятая Дева видела икону и предрекла ее благодатную силу: «Благодать Рождшагося от Меня и Моя с сею иконою да будет».

В 450 году, при императоре Феодосии II Младшем (408—450), святая икона была перенесена из Иерусалима в Константинополь. В 1131 году Константинопольскій Патриарх Лука Хризверг прислал ее в Киев в дар великому князю Юрию Долгорукому. Икона Божией Матери была поставлена в женском монастыре в Вышгороде, который в древности был удельным владением святой благоверной княгини Ольги (†969; память 11 июля). Сын Юрия Долгорукого

святой благоверный князь Андрей Боголюбский (†1174; память 4 июля) хотел перенести икону в Суздаль. Но в 10 верстах от Владимира-на-Клязьме лошади, на которых везли икону, остановились и никакими усилиями их не могли сдвинуть с места. После усердной молитвы перед святым образом князь Андрей получил повеление Богоматери поставить икону во Владимире. Святой князь исполнил слово Божией Матери и оставил икону во Владимире, где для нее был построен величественный Успенский собор. С тех пор икона Божией Матери стала именоваться Владимирской.

Владимирская икона — один из наиболее чтимых образов Пресвятой Богородицы на Руси. С древних времен она прославилась многими чудесами. Молитвы перед Владимирской иконой неоднократно спасали Отечество от многих бед. Икона участвовала во многих походах русского воинства, особенно она прославилась как заступница Руси от нашествия монголо-татарских завоевателей. Русская Православная Церковь установила празднование в честь Владимирской иконы Божией Матери трижды в год (21 мая, 23 июня, 26 августа).

23 июня праздник Божией Матери в честь Ее святой Владимирской иконы совершается в благодарение за избавление Москвы от нашествия хана Ахмата в 1480 году, при великом князе Иоанне III. С огромными полчищами хан Ахмат шел к Москве, по пути разоряя русские земли. Он дошел до реки Угры. Великий князь Иоанн III со своим войском стал на противоположном берегу реки. В отечественной истории это событие известно под названием «стояние на Угре». Продолжительное время оба войска не предпринимали решительных действий. Затем великий князь приказал своим войскам отойти, чтобы после перехода реки татарами начать сражение на своем берегу. Перед Владимирской иконой совершались непрестанные молебны, и вера пра-



вославных не осталась бесплодной. Ночью на татар напал необъяснимый страх и их отступление превратилось в паническое бегство. Это событие имело огромное историческое значение для Руси: победа над Ахматом, дарованная русскому народу предстательством Божией Матери, стала окончательным свержением татаро-монгольского ига, тяготевшего над Россией многие годы. В память об этом реку Угру назвали «поясом Богоматери». В благодарность за освобождение от татарского ига в 1480 году и было установлено празднование в честь Владимирской иконы Божией Матери. 23 июня в Москве совершался крестный ход с Владимирской иконой из Успенского собора в Кремле, где она хранилась, в Сретенский мужской монастырь, основанный на месте встречи Владимирской иконы Божией Матери, перенесенной в Москву из Владимира в 1395 году.



Собор Владимірских святых

НА ВЕЛИЦЕЙ ВЕЧЕРНИ

На Гóсподи, воззвах: **стихиры на 8, глас 4:**

Возсия днесь светлее со́лнца всесла́вная па́мь ва́ша, / Богоно́снии чудотво́рцы Влади́мирския землі, / дрéвним святы́м равносто́ятеліе / и Цéркве Росси́йския благоле́пное украше́ние, / изря́днии в ско́рбех засту́пници на́ши / и спасе́ния те́плии ходатаи, / я́ко дерзнове́ние иму́ще ко Спа́су всех и Гóсподу, / моли́теся о душа́х на́ших.

Пресла́вное жити́е ва́ше, добродéтельми просвети́вшаяся, / чудес мно́гих просия́ светлосты́ми / и благосла́вны вас концéм Росси́йския землі соде́ла, / всеблаже́ннии первосвяты́телие Макси́ме, Пётре и Алексі́е, / святых апо́столов еди́нонравни́и, / Богома́тере избра́ннаго гра́да святы́и иерарси́ / и чудотво́рцы достосла́внии.

Прииді́те, правосла́вных люде́й мно́жество, / пёсньми вдохнове́нными почт́им / вели́кое созвёздіе святых Росси́йских князе́й: / Андре́я Боголю́бскаго, Гле́ба, Гео́ргия и Алексáндра Не́вскаго, / усер́дно к ним взыва́юще: / ра́дуйтеся, страны́ на́шея ве́рное охране́ние, / гра́да Влади́мира и хра́ма Пресвяты́я Богоро́дицы дивное украше́ние / и всем христоиме́нным лю́дем ско́рое вспомо́жение.

Су́здальския землі удобре́ние, / Цéркве Христо́вы сла́вное украше́ние, / Богоно́сных иерархов Феодора, Иоáнна, Дионі́сия, Арсе́ния и Иларио́на, / в чудесéх велича́йших / и просвети́вших во мра́це греха́ су́щая серде́ца, / благоче́стно, соше́дшая, восхва́лим.

Ше́ствующе те́сным путём по́двига ино́ческаго жити́я, / преподо́бнии ученицы́ вели́каго áввы Сэ́ргия: / Никоне, Стефа́не, Рома́не и Евфи́мие, / купно и Богоро́дицы изря́дный уго́днице Космо́, / равноа́нгельнаго жити́я дости́гли есте́. / Престо́лу предстоя́ще Живонача́льныя Трóицы, / ми́лостива нам Влады́ку и Гóспода сотвори́те / богоуго́дными ва́шими моли́твами.

Христоименитых людей множество, / ныне стек-
 шися в память вашу, / теплыя к вам обращают
 молитвы и сердца, / чающе предстательством ва-
 шим получитьи грехов оставление, / временное
 благоденствие и вечное спасение, / в добродетель-
 ном житий преспеяние и благословение, / святии
 благовернии князие Глебе, Константине, Михайле
 и Феодоре, / Муромстии богоизбранныи просвети-
 телие и преславнии чудотворцы, / дерзновение
 имуще ко Господу сил, / молитесь, во еже спастися
 нам.

Приидите, девства и чистоты рачителие, / сог-
 ласно воспойм двоицу предивных Суздальских
 постниц: / Евфросинию преславную и Софию
 Богомудрую, / искушения вселукаваго онаго древ-
 няго змия мужественно поправших, / бессмертныя
 души своя добродетелей елеем умастивших, / ан-
 гельски на земли поживших / и в светлыя чертоги
 Небеснаго Жениха вшедших.

Богомудре святителю Симоне, / града Влади-
 мира добрый пастырю, / обители преподобных Анто-
 ния и Феодосия великий подвижнице / и списате-
 лю подвигов Киево-Печерских Богоносных от-
 цев, / и ты, страстотерпче святой Авраамие, / за
 веру Христову от единоплеменников тяжкия муки
 приявый, / вкупе с преподобными Петром и Февро-
 ниею, князьми Муромскими, / праведною Иули-
 аниею и блаженным Киприаном, / всех нас поми-
 найте, творящих святую память вашу, / и молите
 многими чудесы прославльшаго вас Христа Бога /
 подати нам мир и спасти души наша.

Слава, глас 6:

Воспойм днесь всерадостное торжество / и
 благогласным языком ясно возопийм: / радуйтесь,
 Владимирския земли светозарныя светила; / ра-
 дуйтесь, монахов предивнии наставницы. / Раду-
 йтесь, мирских человек теплии заступницы; / ра-
 дуйтесь, заблуждших к свету богопознания путе-
 вождие. / Радуйтесь, земнаго отечества вашего
 светлое радование.

И ныне, Богородичен: Кто Тебе не ублажит:

**Вход и чтения три преподобническая (зри стра-
 ницы 434—435).**

На литіи стихиры, глас 3:

Владімирскія землі святое прозябѣние, / просвещѣннии благодатию Единосущныя Троицы / и Тѳю дѳуши наша просветившии днесь, / многія грехи наша потребите, / молящеся о спасѣнии душ наших.

Благими и добродѣтельными нравами, / аки на колеснице, к Бѳгу, блаженнии, возшедше / и побѣдныя почести от Него приемше, / и ныне со Архангелы и Ангелы и всеми святыми вчиняетесь / и благодать исцелѣний всем источаете, / темже вас блажим, прехвальнии.

В Небесных селѣнних водворяющеся, / нас, земных, не оставляете / и лучи благодѣний ваших во вся концы простираете / и верных просвещаете благочестивое собрание, / поминающе в молитвах ваших вѣну блажащих вас на землі / и верою совершающих святую память вашу.

Слава, глас тойже:

Светлостей духовных преисполненнии, / слепым подаете свет и болящим исцелѣния / и всем, приходящим к вам с верою, во благое вспомошествоете. / За еже вас любовью восхваляюще, / обретохом вы землі нашей предстатели и хранители.

И ныне, Богородичен:

Не умолчим никогда, недостойнии мы, раби Твой, / Пресвятая Богородице, / от времен древних явленные в землі нашей / силы и чудеса Твоя воспевати. / Аще бо не бы Ты, Благая, предстояла, / дерзновенно за ны Сына Твоего молящи, / кто бы нас избавил от толѣких бед и скорбей, / кто же бы сохранил до ныне свободны? / Не отступим, Владычице, от Тебѣ, / с любовью песнословящих Тя спасаеши присно от всяких лютых.

На стиховне стихиры, глас 4:

Блажен еси, славный граде Владімире, / и священны вси предѣлы твой, / стопами Пресвятыя Богородицы освященныя / и подвигами веры Богоносных благочестия подвижников издревле прославленныя. / Ихже всехвальную память совершающе, / славословим Христа Бѳга, дивнаго во

святых Своих, / и молимся спасти и просветити души наша.

Стих: Блажен муж, бояйся Господа, / в заповедех Его восхощет зело.

Веселися, святой доме Божия Матере, / радуйся, древняя Владимирская земле, / имеющие в себе сокровище многоценное, / нетленные и чудоточащая мочи / святых, в подвизех Православных отеческия веры zde просиявших, / иже непрестанно молятся, / во еже спастися душам нашим.

Глас 2. Стих: Праведник, яко финикс, процветет / и, яко кедр, иже в Ливане, умножится.

Кийми устнами возвеличим / богосветлый сонм чудотворцев и молитвенников Владимирския земли? / В мире сиявших Духа Божия благодатию, / просвещающе вся концы отечества своего, / и по отшествии от земных непрестанно молящих Христа / даровати нам мир и велию милость.

Стих: Возваша праведнии, / и Господь услыша их.

Кийми словесы ублажим и воспоем / Богоносного собора Владимирских святых пресветлый лик, / оставльших земная и последовавших Христу? / Иже и увенча их венцы пресветлыми, / имеяй велию милость.

Слава, глас 6:

Божественным исправлением последующе, / земное поприще ваше прошедше, / молниями богоугодного жития вашего / всю землю Владимирскую озарили есте, / благодати лучами тьмы начальника из нея далече отгнав, / и во мраке греха сущия души светом евангельским просветили есте. / Тем же Ангелом сожителие на веки явились есте, / Богоизбраннии молитвенницы о душах наших.

И ныне, Богородичен: Творец и Избавитель мой, Пречистая:

Тропарь, глас 4:

Днесь светло красуется Пресвятая Богородица избранный град / и с ним вси концы земли Владимирския торжествуют, / память совершающе богопрославленнаго великаго лика святых, / в подвизех Православных веры издревле во уделе

сем Бóгу угодíвших, / и к ним с любóвию вопи́ют: / о предíвнии Христу́ Бóгу моли́твенницы, / венцы́ пресвѣтлыми от Него́ увенча́нныя, / мир и благоде́нствие отѣчеству́ вашему́ испроси́те / и душáм нашимъ вѣлию́ мѣлость.

НА УТРЕНИ

На Бог Господь: тропарь праздника, дважды. Слава, и ныне, Богородичен.

По 1-м стихословии седален, глас 2:

Евaнгельскаго глása слóшателie преизрýднии, / взѣмше с любóвию крест свой, / неуклóнно послѣдовали естѣ Христу́ Бóгу / и, благодáтию Свята́го Дýха ум свой просветíвшие, / многоразл́чными сийнými добродѣтелей жити́я ва́шего земно́й удѣл ваш озари́ли естѣ, / вси святи́и Владíмирския земл́и, / в пресвѣтлыхъ чертóзехъ Отца́ Небѣснаго со А́нгелы и дру́ги Бóжиими ны́не водворя́етесь. / Темъ в весѣлии́ духóвнемъ вопи́емъ: / сла́ва Дáвшему вамъ крѣпость, / сла́ва Венча́вшему вы, / сла́ва Подáющему ва́ми всемъ исцелѣния.

Сла́ва, и ны́не, Богородичен:

Не ймамы инýя пóмоци и надѣжды, / тóкмо Тебѣ, Пречíстая Мáти Бóжия. / Ты бо Бóга плóтию породила́ еси́ челове́комъ пáче слóва и рáзума, / Ймже спасѣние мíру все́му соде́йся / и грехóв дрѣвнихъ оставлѣние бысть. / Егóже моли́, Богородице, / со святи́ми, в земл́и Владíмирстей просия́вшими, / подáти намъ мир и вѣлию́ мѣлость.

По 2-м стихословии седален, глас 5:

Воссия́ днесъ светонóсная пáмять ва́ша, / преслáвнии Владíмирския земл́и чудотворцы́ и покрови́телие, / чудесъ лучáми облистáя с вѣрою к вамъ приходи́щихъ / и тѣплаго заступлѣния ва́шего усѣрдно прося́щихъ. / Тѣмже, святи́я мóщи и óбразъ вашъ благоговѣ́но лобыза́юще, / прослáвльшаго вы́ Христа́ Бóга на́шего рáдостно прославля́емъ, / прося́ще моли́твами ва́шими грехóв оставлѣния и вѣлия́ мѣлости.

Слава, и ныне, Богородичен:

Величия Твоя, Богоблагодатная, кто исповесть? / Бóга бо плóтию родила еси, / ключи дéвства нерушимы сохрани / и чистотою богоприятнаго существа Твоего вся Небесныя силы превозшедши. / Тёмже пёснями немóлчными восхваляем Тя, / Едина Благословенная.

По полиелёи седáлен, глас 1:

Яко пресвётлыя лучи солнечныя, / всю Владíмирскую зёмлю осиявающия, / показá вас, святíи, / Подвигоположник наш Христóс Господь. / Тёмже, благодатию Егó поспешествуеми, / тьму страстей и бед отгоняете от приходящих к вам véрою и любóвию вопиющих: / раду́йтесь, Владíмирския земли удобрение / и всем véрным радование и утверждение.

Степенна, 1-й антифóн 4-го гласа. Прокíмен, глас 4: Дивен Бог во святых Своих, / Бог Израíлев. **Стих:** В цёрквах благословите Бóга, Гóспода от истóчник Израíлевых. **Евáнгелие от Матфея, зачáло 11.**

По 50-м псалмё стихира, глас 6:

Приидите, христоименитых людей множество, / восхвалим духоносный собор святых Владíмирския земли, / тья бо, Трёхлеческим свётом озаряеми, / огнезрачному Престóлу Бóжию предстоят, / почёсть приёмлюще трудом своим, / и благасть Бóжию со дерзновением умоляют / о всех, священнолётно пáмять их творящих. / К нímже любóвию возопийм: / раду́йтесь, евáнгельских учений изряднии рачителие; / раду́йтесь, Всесвятаго Духа сосуди избранныи. / Раду́йтесь, Цёркве нашей вёлие украшение; / раду́йтесь, дерзновеннии о нас к Бóгу молитвенницы. / Раду́йтесь, Пресвятыя Богородицы усёрднии служителие; / раду́йтесь, Ангелов собесёдницы и человеков наставницы. / Раду́йтесь, немощей душевных и телёсных благодатнии целёбницы; / раду́йтесь, земнаго отечества вáшего похвалó и утверждение.

Канон, глас 8.

Песнь 1

Ирмос: Колесницегонителя фараоня погрузи/
чудотвори иногда / Моисейский жезл, крестооб-
разно поразив / и разделив море, / Израиля же
беглеца, пешеходца спасе, / песнь Бóгови воспева-
ющая.

Припев: Все святїи земли Владїмирскїя, моли-
те Бóга о нас.

Яко Первозванный апóстол Христóв Андрéй /
Днепрóвскїя холмы при Кїеве благословї, / про-
вїдя бóдущую на них благодать и славу Бóжию, /
тако, томú подобяся / и сілою Бóжиею предивный
сонм великих Православных вéры светїльников
провїдя, / и ты, святým апóстолом равносто́ятелю,
на холмех Клязьмы реки тезоименитый себе град
заложил еси, / святýй крестителю Русї, великий
княже Владїмїре.

Блаженнаго Максїма, первосвятителя Россїй-
скїя земли, достóйно да восхва́лим, / сей бо,
повелением Бóжїя Матере, емú явившейся, укрепив-
ся, / пребывание Всероссїйских Владык во
град Владїмир пренесе. / В немже благочестно
пожив / и па́ству свою рукою крѣпкою и любве-
обильною к вѣчному отечеству управив, / на вѣки в
доме Пресвятыя Богородицы упоко́ися. / С Неюже
на Небесех ны́не светозáрному Престо́лу Бóжию
предсто́я, / усérдно мо́лит спасти́ и просветїти
дúши наша.

Храм Дúха Всесвятаго явился еси, стопам последуя
блаженнаго святителя Максїма, / предивный
первоиерарше, отче наш Пётре, / град Владїмир
непрестанными мо́литвами и священнодѣйстви-
ями твоими облагоухал еси. / Тѣмже и ны́не
ходатайством твоим, свя́те, / душевные и телесныя
болѣзни наша исцели, / град и храм сей дóбре
сохрани / и всепрощение грехов наших у Бóга
испроси.

Во епископа града Владїмира поставленный и
сиянием добродетелей христіанских всеукрашен-
ный, / мужественный защитник Цѣркве и земли
Россїйскїя явился еси, святителю отче наш
Алексїе. / Богоугóдное житїе твоѣ во стóльном

граде Москвѣ скончав,/ в сонме святыхъ Россійскихъ Первосвятителей на Небесѣхъ от Бѣга прославлен еси,/ с ними же молися Христу, всеблаженне, спастися верою и любовію чтущимъ тя.

Богородичен: Первописанный апостоломъ Лукію образъ Твой, Пречистая Богородице,/ чрезъ многія вѣка во Владимір градъ предпослала еси,/ егѣже отечеству нашему—въ благословіе,/ Церкви Русской—во утверждѣніе,/ святителемъ—въ покровъ/ и всемъ людемъ—во отраду и утешѣніе даровала еси./ Предъ нимъже колѣна сердца нашего склоняюще,/ Тебѣ, яко живей с нами сущей, взываемъ:/ Егѣже на руку Своею носила еси и млеко́мъ питала еси,/ непрестанно моли сохранити градъ и храмъ Твой невредимы, Богопрославленная.

Песнь 3

Ирмосъ: Небеснаго круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верныхъ утверждѣніе,/ Еди́не Человеколюбче.

Ра́дуйся, днесъ Пресвятѣя Богородицы сосудъ избранъ, всечестне княже Андрее!/ Повелѣніемъ Богоматере градъ Владимір преславне возвеличившій/ и многія храмы и обители во славу всесвятѣаго имени Пречистыя Дѣвы/ в предѣлахъ Владимірскихъ устроившій,/ за велию любовь твою к Бѣгу и народу православному/ Боголюбивымъ от всехъ наименованный,/ смертныя мѣки от рукъ близкихъ приявшій,/ яко новый страстотерпецъ в лице святыхъ братьевъ мучениковъ Бориса и Глеба у Престола Бѣжия представшій./ С ними же купно молися, благоверне, отечество твоѣ безвредно сохранити,/ градъ и храмъ сей утвердити и спасти души наша.

Отроча еще съи възрастомъ,/ вѣтхаго совлѣклся еси человека,/ в новаго, по Бѣзе созданнаго, усердно облѣклся еси./ Мирскую красоту оставивъ, вперился еси, яко орля, в вѣчную жизнь,/ победивъ плоть свою безстрастіемъ,/ прежде неже жива страстемъ бѣше./ Темже во юности возраста своего ко Господу отходиши/ и дивнымъ нетлѣніемъ мироточащаго телесе твоего от Него прославляешися./ Защитниче Владимірския земли и всемъ чтущимъ тя

изрядный покровителю, святы́й благове́рный кня́же Гле́бе, / моли́ Христа́ Бо́га, во е́же спаст́ся нам.

Правосла́вныя ве́ры пра́вило, / добродете́лей христиа́нских зерца́ло, / наро́да свое́го оте́ц чадолю́бивый, / по глаго́лу ева́нгельскому ду́шу свою́ на по́ле бра́ни с нечестивы́ми тата́ры / за лю́ди своя́ и оте́чество положи́л еси́, / святы́й благове́рный вели́кий кня́же Гео́ргие! / Зна́мением Бо́жиим, на тебе́ яви́вшимся, чуде́сно просла́вленный, / я́ко усече́нная глава́ твоя́ по сме́рти прильпе́ к телеси́ твоему́, / с ним же до днесь нетле́нно почива́ет, источа́я приходя́щим к ра́це твое́й то́ки чуде́с, / те́мже, вси ве́рнии, любóвию тя, свя́те, ублажа́ем.

Богоглаго́ливаго святите́ля Си́мона, гра́ду Влади́миру чадолю́биваго архиере́я, / свято́му кня́зю и страстоте́рпцу Гео́ргию, дру́гу Бо́жию, пр́снаго дру́га и учи́теля, / досто́йно да восхва́лим днесь, ве́рнии. / Той бо, я́ко со́лнце пресве́тлое, от Киево-Пече́рския Ла́вры Пресвяты́я Богоро́дицы / в се́верней столи́це возсия́л ест, / благовеству́я по́двиги равноа́нгельных Богоно́сных отце́в. / Ихже жити́ю усер́дно подража́в, / я́ко земны́й А́нгел и Небе́сный челове́к, па́ству свою́ словеси́ благопло́дными и жи́тием непоро́чным услади́л ест. / Ны́не же душе́ю на Небесе́х ликовству́я, / те́лом же нетле́нным с преподо́бными отцы́ в Кие́вских пеще́рах почива́я, / мно́гая источа́ет чуде́са и мо́лится Го́споду дарова́ти нам мир и ве́лию ми́лость.

Богоро́дичен: Ра́дуйся, Небе́сная Цари́це, / а́нгельское непреста́ющее уди́вление и челове́ческаго ро́да неумолка́емая сла́во, / зе́млю Влади́мирскую освя́тившая пречи́стыми стопа́ми Твои́ми / во явле́нии благове́рному боголю́бивому кня́зю Андре́ю. / О сем ны́не веселя́щися и ра́дующеся, мо́лим Ти ся приле́жно: / всемо́щным ходата́йством Твои́м у Сы́на и Бо́га Твое́го мир ми́рови испроси́, / земли́ пло́дов изоби́лие, па́стырем святи́ню / и все́му челове́чу ро́ду спасе́ние.

Седа́лен, глас 1:

Я́ко звёзды́ многосве́тлыя Не́ба церко́внаго, / вси вас почита́ем, святи́и вси Влади́мирския земли́, /

пóдвигов добропобѣдных сиянием и чудес зарями грады и вѣси края нашего просветившии. / Вы бо Божественныя свѣтлости явились есте причастицы / и блаженныя вѣчныя жизни показались есте наслѣдницы. / Тѣмже всерадостную пámять вáшу совершающе, вѣрно вопиѣм: / Спáсу Христу́ усердно моли́тесь грехов оставлѣние подáти / чтущим вы, препрослáвленнии.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Яко светлейшая звезда во тьме языческаго зловерия возсиял еси, / святыи добропобѣдный мучениче Авраамие! / Светом истиннаго богопознания озаряя единоплеменный ти народ волжских болгар, / от нихже и усечение удов и главы твоея, радуясь, Христа ради, претерпев, / течением крове древняго фараона — отца лжи, потопил еси, / честными же мощми твоими, во град Владимир благоверным князем Георгием принесенными, / источаеши исцеления верою к тебе приходящим / и страдальческия подвиги твоя чествующим.

Всея России велие украшение, / Владимира града всечестная похвало был еси, / препрославленне преподобне великий княже Александре! / Евангелия Христова во всем житии твоём явился еси ревностный исполнитель: / алчущим — кормитель, странным и пришельцем — покровитель, / болящим — скоропослушный врач, бедствующим — всеильный помощник, / отечеству твоему — благодарованный защитник, / Церкви Русския — изрядный попечитель. / Земное житие своё во иночестве богоугодно скончав, / преславными чудесы от Подвигоположника Христа Бога прославлен еси. / Емуже, со сродники твоими на Небесех ныне предстои, / непрестанно моли чадом Церкви Русския спастися.

Во преславном граде Владимире от святаго корене благовернаго Александра, / яко благоплод-

нейшая ветвь, прозябл еси, преподобне княже Данийле. / Добродетельному житию Богом прославленного отца своего всеусердно подражая, / явился еси во граде Москве нищих питатель, / вдов и безматерних сирот заступник, / скорбящим утешитель и всем христианом милостивый и скорый помощник. / Сего ради избран сосуд Духа Всесвятаго в Церкви Христовой познался еси. / На Небесех с родителем твоим Престолу Божию предстои, / испроси отечеству нашему мир и велию милость.

Из преславнаго отчаго Владимира града во окрестныя края преселившиися, / яко звезды пресветлыя, сияющия светом Евангельския благодати, твоя озарили есте: / Михайле княже, утверждение и похвало Тверския страны, / и Пахомие преподобне, молитвенниче и печальниче Вологодския земли. / Ныне же со всеми святыми отческаго града вашего Престолу Божию предстояще, / сотворите молитву о всех, любовью чтущих вас.

Богородичен: К чудотворному образу Твоему, Боголюбивая Мати, усердно притекаем, / Богородицу воистинну и Приснодеву православно исповедующе Тя, Пречистая. / На всеильное предстательство Твое пред Сыном и Богом уповаем и любовьию вопием Ти: / радуйся, Боголюбивая Царице Богородице, Надеждо и Прибежище наше!

Песнь 5

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окайннаго? / Но обрати мя и к свету заповедей Твоих / пути моя направи, молюся.

Древняго града Сúzдаля первыи святителю был еси, Богодарованне Феодоре, / семя слова Евангельскаго сеявый неустанно. / Благодатию Христовою, в тебе обильно явившеюся, / преславная чудеса во славу Божию соделал еси. / По отшествии же твоём в Горняя, / яко сосуд полный и преизливающийся, нам мощи твои святые оставил еси. / От нихже врачество и утешение обильно черплюще, прославляем Прославльшаго Тя, / Егоже моли спастися душам нашим.

Яко благодати Божественнаго Духа сосуд кра-
сен, / поставлен был еси верху паствы славнаго
Сúzдаля града, Богомудре Иоанне святителю, /
немошным врач безмездный и бедным защититель
преизрядный быв, / Ангельскаго сослужения во
святую Литургию сподобивыйся / и Небесныя
славы наследник явивыйся, / молися со Ангелы и
всеми святыми спастися нам, пастырю наш пре-
добрый.

Киево-Печерския Лавры отрасль духоносная
быв, преподобне отче святителю Дионисие, / но-
вую Печерскую обитель на крутых нижегород-
ских брегах устроил еси. / Из неяже Сúzдальскую
кафедру подвигами поста, молитвы и обильныя
милостыни украсил еси. / За премногую любовь
твою к Церкви Христовой / избранием Вселенска-
го Патриарха Нила, Духу Святому содейству-
юще, / в Константинополи граде Митрополитом
Всероссийским поставлен был еси. / Во отече-
ствии же своем заточение и поругание Христа
ради сладце претерпев, / по успении твоём во
Антониевой пещере нетленными мощми почива-
еши. / С нимже, преподобных отцев начальником, /
молися о чадах твоих, святителю Дионисие, препо-
добне чудотворче.

Благочестия столп непоколебимый явился еси,
святителю отче наш Арсение, / светом добродете-
лей твоих осиявый Сúzдальский удел. / Ныне же в
селениях праведных водворяясь, / яко новая звез-
да, Небо церковное украшая, просиял еси. / Моли-
ся Господеви сыновом российским спастися, /
священнолечно чтущим святую память твою.

Богородичен: В досточудном явлении Твоём,
Пресвятая Владычице Богородице, / святителю
Всероссийскому блаженному Максиму бывшему, /
град Владимир Своим Себе наименовала еси. /
Сего ради все упование и надежду на Тя, Пречи-
стая, возложивше, молим Ти ся прилежно: / молися
Превечному Архиерею, Сыну Твоему, / да непоко-
лебиму утвердит Церковь Православную, / град
наш Владимир и всю область его в мире сохранит /
и спасет души наша, яко Милосерд.

Песнь 6

Ирмос: Очисти мя, Спасе, / мно́га бо беззако́ния моя, / и из глубины́ зол возведи́, молю́ся, / к Тебе́ бо возопи́х, и услы́ши мя, / Бо́же спасе́ния моего́.

Пресвяты́я Богороди́цы усердны́й служи́телю / и прети́хий собесе́днице был еси́, досточу́дне Иларио́не святи́телю. / Име́я крѣпкую ве́ру к чудотво́рней Ея́ Влади́мирстей ико́не, / во сла́ву Всесвяты́я Де́вы Богома́тере оби́тель дивную устро́ил еси́ / и во о́ную мно́жество ино́ков во спасе́ние собра́л еси́, / по́мощию Богороди́цы от разбо́йник, огнём пали́вших тя, невреди́мо сохране́нный / и по отше́ствии мно́гим чудоде́йствием от Бо́га просла́вленный. / Те́мже и нас Ма́терь Бо́жию досто́йно чтíti научи́ / и Ца́рствие Небе́сное нам испроси́, Богому́дре.

Рачи́тель Господе́нь измла́да быв, Богоно́се отче Евфи́мие, / руко́ю блаже́ннаго святи́теля Диони́сия во а́нгельский о́браз священноле́пно облече́н был еси́. / Ору́жие Креста́ Господня́ на ра́ме воспри́им, / благоче́стно в ми́ре сем пожи́л еси́, / утвержда́я делом, сло́вом назида́ния и моли́твою усердно́ю ча́д свои́х. / Научи́ и нас терпе́нием стяжа́ти ду́ши наша, / Сузда́льския земли́ похва́ло и преподо́бных отце́в удобре́ние.

Сузда́ль град и вся Влади́мирская страна́ теплы́я к вам обра́щают моли́твы и сердца́, / дивная дво́ице Христо́вых благослове́нных невест, / преподо́бныя Евфроси́ние и Софи́е! / Вме́сто бога́тства нищету́ ино́ческаго жити́я избра́ли есте́ / и вме́сто сласте́й всесовершенство́е воздержа́ние возлюби́ли есте́. / Телесную ле́поту по́стническими труды́ украси́в, / в черто́ги Небе́снаго Жени́ха ра́достно всели́лись есте́, / приле́жно Ему́ моля́щеся, дарова́ти нам грехо́в проще́ние и ве́лию ми́лость.

Юро́дствуяй Христа́ ра́ди, Кипри́ане блаже́нне, / а́ки безплóтен, на земли́ пожи́л еси́, / за оби́дящих тя усердно́ Го́сподеви моля́ся. / Те́мже безсме́ртную ду́шу твою́ в блаже́нную ве́чность упра́вив, / с Небе́сными си́лами ны́не водворя́ешься, вѣну зря неизгла́боланную сла́ву Бо́жию. / За ны моли́ся, свя́те, любóвию творя́щих па́мять твою́.

Подвиго́м ве́ры и благоче́стия преподо́бныя су́здальскія подви́жницы Евфросі́нии изде́тска подража́юще, / яви́лася еси́, благове́рная княги́не Евдоки́е, на Москвѣ, / яко зерца́ло свята́я Правосла́вныя ве́ры оте́чeskія. / Небе́сных челове́ков, при жи́зни тво́ей подви́завшихся, / свята́ых Алексі́я митрополи́та, Серге́я Радо́нежскаго и Димі́трія Прилу́цкаго, / яви́лася еси́ прі́сная собесѣдница и до́брая учени́ца. / Сего́ ра́ди да́ром чудотворе́ния и скорбе́й утеше́ния от Бо́га просла́вленная, / яко чи́стая голу́бица в ино́честве к Престо́лу Его́ отлетѣ́ла еси́, / Ему́же, со дерзнове́нием предсто́ящи, моли́ся за ны, / Су́здаля гра́да о́трасль благопло́дная / и гра́да Москвѣ́ всесла́вное украше́ние, / преподо́бная ма́ти Евфросі́ние-Евдоки́е!

Богоро́дичен: Во пречестне́м успѣ́нии Тво́ем, Влады́чице, ми́ра до́льняго не оста́вила еси́. / Отше́дши те́лом в Небе́сная, / пребыва́еши с на́ми мно́гими, от Тебе́ чуде́сно просла́вленными, ико́нами, / от ни́хже благода́ть исцеле́ний и ми́лостей обильно́ черплю́ще, / мо́лим Ти ся приле́жно: / Небе́сныя жи́зни вся пока́жи прича́стники / хода́тайством Тво́им, в моли́твах Неусыпа́ющая!

Конда́к, глас 4:

Яко звѣзды пресвѣ́тлыя Це́ркве Росси́йскія, / испове́данием Правосла́вныя ве́ры в той возсия́вшии, / вси святи́и земли́ Влади́мирскія: / Богому́дрии святи́телие и благове́рнии кня́зи, / преподо́бнии отцы́ и ма́тери, / страсотѣ́рпцы и пра́ведницы, / Христу́ Бо́гу усѣ́рдно моли́теся, / грехо́в оставле́ние дарова́ти / любо́вию чту́щим свята́ю па́мять ва́шу.

И́кос:

Красне́йшее соцветі́е, святи́и, / в до́му Бо́жии процвѣ́ли есте́ подвигами́ ве́ры и благоче́стия, / изрядне́йшія плоды́ принесли́ есте́ добродѣ́телей, / ими́же украша́ющесея, мно́гими чуде́сы земно́е оте́чество ва́ше обогати́ли есте́. / Сего́ ра́ди любо́вию воспева́ем вам: / ра́дуйтеся, Небе́снаго оте́чества святи́и гра́ждане; / ра́дуйтеся, Ангелов собесѣдницы́ и свята́ым сожи́телие. / Ра́дуйтеся, дивны́я звѣзды, Не́бо церко́вное украша́ющія; /

ра́дуйтесь, благословенных градо́в Влади́мира, Суздаля и Му́рома свети́льницы многосвѣтлии и сокровище благодáтное./ Ра́дуйтесь, предста́телие на́ши пред Бо́гом усерднии,/ ходáтайством своим проше́ния на́ша предва́ряющи;/ ра́дуйтесь, во всех обстоя́ниих на́ших ско́рии помо́щницы./ Ра́дуйтесь, вси святии Влади́мирския земли́,/ земна́го оте́чества ва́шего похвало́ и утвержде́ние!

Песнь 7

Ирмо́с: *От Иудеи доше́дше, о́троцы/ в Вавило́не иногда́/ ве́рою Тройческою пла́мень пе́щный попра́ша, поюще:/ отце́в Бо́же, благослове́н еси́.*

Благочести́ваго ко́рене равноапосто́льнаго Влади́мира прозябе́ние свято́е был еси́, Богому́дре кня́же Гле́бе./ Му́рому гра́ду, во тме язы́чества пребыва́вшему,/ све́та ева́нгельскаго пе́рвый провозвѣстниче яви́лся еси́,/ по страда́нии же твоём наипа́че к Бо́гу прибли́зился еси́,/ Егóже моли́, страстоте́рпче святи́й, град твой в ми́ре сохра́нити/ и спасти́ правосла́вно чту́щия тя.

Благовѣрнаго кня́зя Гле́ба срóдницы богопросла́вленнии,/ святии кня́зи Константи́не, Миха́иле и Феодо́ре,/ дү́ху апосто́льства му́ченически пострада́вшаго срóдника ва́шего возревно́авши/ и по́мощию Небесе́ и земли́ Цари́цы/ му́ромских жи́телей ко свято́му Креще́нию привѣдшии,/ моли́твами ва́шими све́том Ева́нгелия просвети́те дү́ши на́ша/ и к любви́ Го́рней наста́вите нас,/ ве́рою почита́ющих вас, досточү́днии.

Му́рома гра́да изрядный попечи́тель яви́лся еси́, дивный святи́телю о́тче Васи́лие!/ Непра́ведное изгна́ние му́жественно претерпева́я,/ незло́бием твоим святи́м просвети́телем гра́да сего́ —/ благове́рным Гле́бу, Константи́ну с Богому́дрыми ча́ды егó Миха́илом и Феодо́ром, подража́л еси́./ Те́мже от чудотво́рныя ико́ны Богома́тере я́ве,/ я́ко непоро́чный а́гнец, пред безу́мно обли́чавшими тя яви́лся еси́,/ проти́ву течѣ́ния вод на ма́нтии твоёй побѣ́дное шѣ́ствие со святи́м о́бразом Пречи́стыя Дѣвы соверша́я./ С Нею́же усердно моли́ся Христу́ грехо́в оставле́ние нам дарова́ти,/ ве́рою чту́щим тя, преблаже́нне.

Благодатию святаго Крещения просвещенный / и благоверие святых Муромских просветителей унаследивый, / взыскупя постническаго иноческаго жития, / во святую обитель Пресвятыя Богородицы ко преподобным Антонию и Феодосию пришел еси, / Богоносе отче Илие, Муромская похвало! / Ихже спасительная веления исполняя, / достигл еси светлых обителей райских, / идеже со Ангелы и всеми святыми Богу предстои, / молися за град твой и православныя люди, / любовию чтущия тя, приснопамятне.

Богородичен: Сердцем сокрушенным припадаем, Всепетая Богопрославленная Мати, / ко преславному изображению лика Твоего, / от времени святых просветителей благоверных Константина и чад его Михаила и Феодора / многим чудодейством в Муроме граде от Тебе дивно прославленному. / И Тя, добрую Помощницу вѣдуще, усердно молим: / Егоже на руках Твоих матерски носила еси, / прилежно моли, да подаст нам прощение согрешений наших / и светлыя двѣри райския отверзет нам / всемошным предстательством Твоим, Богомати!

Песнь 8

Ирмос: *Седмерицею пещь / халдейский мучитель / Богочестивым нейстовно разжже, / силою же лучшею спасены, сия видев, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.*

Благославнаго града Мурома архипастырю всеблагоговейнейший, Богомудре отче наш Ионо, / избранием Освященнаго Собора Всероссийскаго на высокый степень первопрестольников Православныя Руси возведенный, / святителем украшение и всем христианом теплый к Богу предстатель явился еси. / Не претай моляся о пастве твоей, / священнолепно память твою, достохвальне, совершающей.

Дивная супругов двоица да прославится днесь: / святии благовернии Петр и Феврония, / Мурома града велие украшение и всем христианом скории помощницы, / недугов наших целѣбницы и скор-

бей утешители. / Союзом любви во образ Христа и Церкви Его, по глаголу апостола, соединении, / равноангельно на земли пожили есте / и, с Безплотными силами на Небесах ныне пребывающе, / молятся о всех нас, благочестно святыю память их совершающих.

Муромскаго края всесветлое украшение явилася еси, / святая праведная Иулиание, Лазаревская похвало! / В супружестве благочестно живущи, / возлюбила еси поста воздержание и ночных молитв бдение. / Сырым была еси нежная мать, / нищим — питательница, в болезнях сущим — скорая помощница. / Сего ради наставления Богоматере и посещения святителя Николая удостоившаяся, / к трудом воздержания труды милосердия усердно прилагала еси. / По отшествии же твоём многими чудесы от мироточащих мощей твоих от Бога прославляешься. / Темже, сошедшеся днесь, благохвалим тя, препрославленная.

Благочестия древняя Владимирския земли восприемнице, / обители Пресвятыя Богородицы на Яхrome реце Богомудрый игумене / и преподобнаго Космы смиренный послушник, / на свещнице высочем и превознесенем в Церкви Христовой поставлен был еси, святителю отче Митрофане! / Учеными и милостию твою, яко второе солнце, пастве Воронежстей возсиял еси. / Сего ради Подвигоположник наш Христос Господь обогати тя многими чудесы, / Ему же усердно молися спастися душам нашим.

Богородичен: Из Тебе, Пречистая, Всесовершенный неизреченно младенствует / и ангельския чины и человеческий род подвизает славословити Тя, / Честнейшую Херувим и Славнейшую без сравнения Серафим. / Темже светом рождества Твоего, Богопрославленная, / просвети души наша, / святых Владимирския земли теплыя молитвы приемлющи.

Песнь 9

Ирмос: Ужасеся о сем Небо / и земли удивишася концы, / яко Бог явися человеком плотски / и чрево Твое бысть пространнейшее Небес. / Тем Тя,

Богородицу, / Ангелов и человек чиновачалия величают.

Юрьева града всехвальное прозябение был еси, преподобне Никоне приснопамятне! / От юности Бóга возлюбивый и к Немú все желáние своё устремивый, / пришёл еси во обитель Живоначальные Трóицы в послушáние к великому Богоно́сному áвве Сёргию. / Егóже подвигом сотайнник и свидетель ближайший быв, / наследовал еси учителю своему на земли во игúменстве и на Небесí во славе, / с нимже Триеди́ному Бóгу в лице святых предсто́я, / моли́ся и нам ра́дости се́я сопричаститься.

Яко зláто в горни́ле, иску́сился еси, / в Ма́хрищской пúстыни живя́, преподобне Стефа́не, равноа́нгельне! / Богоно́сному Сёргию, во изгна́нии от бра́тии сýщему, / бра́тскую любóвь и авраáмово гостеприимство явивый, / всем же, приходящим к тебе, к Го́рнему Оте́честву до́брый и ве́рный путево́ждь бывый, / достигл еси угото́ванного тебе Небеснаго всеблаже́ннаго пребыва́ния, / венце́м неувяда́емая сла́вы оде́янный. / Ея́же и нас моли́твами твоими сподо́би, приле́жно мо́лим тя, преподо́бне.

Еди́наго Всеблагáго Бóга во уме́ и се́рдце своём имéя, Рома́не преподобне, / учени́к возлю́блен Богоблаже́ннаго áввы Сёргия вели́каго был еси. / Егóже избра́нием ра́ди мно́гих добродетелей твоих священства да́ра от рук Богому́драго святите́ля Алекси́я сподобився, / па́стырем устро́енный учителем твоим на Киржаче́ реце́ обители поста́влен был еси. / В нейже трудолю́бно пожив, / во обители Отца́ Небеснаго вселился еси, / Егóже моли́, Рома́не преподобне, спастись душáм на́шим.

Повелению́ Пресвяты́я Богородицы / от явившейся тебе́ на Яхроме́ реце́ светозáрныя ико́ны благоговейно́ внемля, / в юности́ вóзраста твоего́ уразумел еси́ глаго́лы жи́зни вéчныя. / Сего́ ра́ди, на ме́сте явлéния чудотво́рныя ико́ны Богома́тере / богоуго́дное жити́е во а́нгельстем о́бразе смире́нно проводя́, / по отше́ствии от земных ра́дости пра́ведных в наслажде́нии благ вéчных сподобился еси́. / Дар недúги телéсныя

исцеляти и многоболѣзненныя страсти душѣвныя
врачевати от Бѳга прияв, / исцели болѣзни наша,
Космѳ, преподѳбне ѳтче наш.

Богорѳдичен: Источник исцелѣний и чудодѣй-
ственныя благодати, / о Преплагая Владычице
Богорѳдице, / от светозарныя и цельбоносныя
икѳны Твоея преподѳбному Космѳ на Яхромѳ рецѳ
явилася еси, / тѳмже и нам, с верою и любовію к
той приходящим, / телѳсное здравіе и душ спасѳ-
ніе испроси, / разумѳти глаголы жизни вѳчныя
научи / и радости святых в наслажденіи благ
вѳчных сподѳби. / Да Тобѳю, о Всесвятая Дѳво,
сохраняеми, / улучим у Христа Бѳга велию
милѳсть.

Светилен, глас 2:

Трѳице Живоначальной за ны, святіи, сотвори-
те молитву, / да в день воздаянія Своего
праведнаго / деснаго стоянія сподѳбит нас / и
вѳчныя радости избранных Своих причастники
сотворит / всех, любовію восхваляющих вас, /
Владимирскія земли всехвальное прозябѳние.

Слава, и ныне, глас тойже, Богорѳдичен:

Архангельскій глас любовію вопіем Ти, Влады-
чице Пречистая: / радуися, Благодатная; / раду-
ися, Препрославленная. / Радуися, Преплагосло-
венная; / радуися, яко Господь с Тобѳю!

На хвалитѳх стихіры, глас 4:

Радуися, богоизбранный личѳ Владимирскія
земли чудотворцев, / Горняго Отѳчества святіи
граждане, / светоносныя звѳзды мысленныя твѳр-
ди, / Всемиловитому Владыцѳ и Бѳгу предсто-
ящии, / не презрите гласа молѳний наших / и
испросите земному удѳлу вашему мир и благодѳн-
ствие, / нам же, творящим всечестную памѳть
вашу, / улучшить грѳхов прощѳние и милѳсть в день
Судный.

Души и телеса ваша от страстей очистивше, /
Всесвятаго Утѳшителя Духа обители светоносныя
явились есте, / святіи угѳдницы Владимирскія зе-
мли, / собесѳдницы Ангелов и славы Господни нас-
лѳдницы / и молитвенницы изряднии о чтущих вас.

Евѣнгельскій глас услышавше, / богѣтство и славу земную нивочтоже вменивше, / изряднии делателие бывше заповедей Господних, / богоугодное житие явили есте / и обрели сокровище вечныя жизни. / Темже, Божественным светом чисте сияюще, / просветите души наша.

Всепазднственная память ваша, всеблаженнии, / благодатию многоразличных чудес украшается / и радостию духовною напоет сердца с верою приходящих к вам. / Темже и нам, с любовью к святым мощем вашим припадающим / и в нуждах наших скорого заступления просящим, / грехов оставление испросите / и низпослите мир и велию милость.

Слава, глас 8:

Красуйся ныне, Владимирская земле, / принесящая Христу Богу благодатию просиявших в тебе / Богомудрых святителей — иерархом украшение, / благоверных князей — отечеству нашему благодатных защитников, / страстотерпцев — мучеником доброту, / преподобных отцев и матерей — Ангелом сожителей, / праведных — незлобивым цвет благоуханный. / Ихже молитвами, Христе Боже, помилуй нас.

И ныне, Богородичен, глас тойже:

Владычице, прими молитвы раб Твоих / и избави нас / от всякия нужды и печали.

Великое славословие. Тропарь святым.

НА ЛИТУРГИИ

Блаженны от канона, песни 3-я и 6-я. Прокимен, глас 4: Веселитесь о Господе / и радуйтесь, праведнии. Апостол к Галатам, зачало 213. Евангелие от Матфея, зачало 38. Причастен: Радуйтесь, праведнии:

Молитва

О Небеснаго Иерусалима гражданае, вси святїи, подвиги веры и благочестия и многими чудесы во Владимирстей земли просиявшии! Воззрите на нас милостивно и к земли приверженных возведите к высотѣ Небесней. Вы горѣ на Небесї пребываете, мы же на земли низу, удаленї суще от вас не

то́лько мѣстом, е́лико грехми́ и беззакóнии на́шими, но к вам, я́ко нам срóдным, прибега́ем и взыва́ем: наста́вите нас ходи́ти путе́м ва́шим, вразуми́те и руково́дствуйте на́ми, многогрѣшны́ми. Сво́йственно бо вам есть, святи́и, милосѣрдие и человеколю́бие: на землѣ живу́ще, не о своѣм то́кмо спасѣнии бысть вам попечѣние, но и о всех, к вам приходя́щих. Наставлѣния бо ва́ша бѣша трость кни́жника скоропи́сца, на сердца́х христоимениты́х люде́й глаго́лы жи́зни начертава́ющаго. Не телѣсныя то́кмо врачевали есте́ болѣзнь, но па́че душе́вных врачѣ изы́щнейшии яви́лися есте́, и все жити́е ва́ше бысть зерца́ло всякия добродѣтели. Предстоя́ще днесь Престо́лу Свѣта непристу́пнаго, в нем зрите́ вся наша ну́жды и прошѣния. Вы вку́пе со святи́ми Ангелы, о еди́ном грѣшнице ка́ющемся раду́ющимися, водворя́етесь и дерзнове́ние мно́гое к Человеколю́бцу Бо́гу имате, не преста́ните у́бо, о нас вопию́ще ко Го́споду, испроси́те предста́тельством ва́шим у Всеми́лостиваго Отца́ на́шего Небѣснаго мир Цѣркви Егó Святѣй, под зна́менiem Креста́ вои́нствующей, согла́сие в вѣре и еди́номудрие, суемудрия же и раско́лов истреблѣние, в делѣх благих утвержде́ние и благословѣние, больны́м исцелѣние, печальны́м утешѣние, оби́женным заступлѣние, бѣдствующим по́мощь, не посрамите нас, с вѣрою и любóвию к вам притека́ющим. Аще бо и недостóйни есмь то́ликаго достосла́внаго ли́ка ходатаев, но вы, подража́тели человеколю́бия Бо́жия бѣвше, сотвори́те нас достóйны чрез обра́щение от злых дел ко благо́му жити́ю. Вся Бо́гом просвѣщенная Россія, пресла́вными чудесы́ ва́шими исполненная и мило́стями облагодѣтельствованная, исповѣдует вас бѣ́гти сво́их покрови́телей и заступников. Явите́ нам дрѣвния мило́сти ва́ша, ими́же отце́м на́шим во благо́е вспомо́ществова́ли есте́, и не отрѣните нас, чад их, стопа́ми их к вам, святи́и, шѣствующим. Вѣруем, я́ко дýхом нам сопрису́тствуете, па́че же и нетлѣнными мощми́ ва́шими с на́ми есте́. Сия́ бо, я́ко сокрови́ще безценное, вручи́ нам И́же чудес Бог. Предстоя́ще им, вам, я́ко живы́м сущим, припада́ем

и мо́лимся: приими́те моле́ния на́ша и вознеси́те я на же́ртвенник ми́лосе́рдия Бо́жия, да прии́мем ва́ми благода́ть и благовре́менную в ну́ждах на́ших по́мощь. Па́ству же ва́шу духо́вную не преста́ните упра́вляти жезло́м духо́вныя му́дрости: подви́зающимса помози́те, разсла́бленныя возста́вите, споспешите́ нам и́го Христо́во нести́ во благоду́шии и терпéнии, и всех нас упра́вите в ми́ре и пока́нии сконча́ти жити́е на́ше и пресели́тися со упова́нием во блаже́нная недра Авраа́мова, иде́же вы ра́достно по трудéх и по́дви́зех ны́не почи́ваете, прославля́юще со все́ми святы́ми Бо́га, в Тро́ице сла́вимаго, Отца́, и Сы́на, и Свята́го Уте́шителя Ду́ха, ны́не и при́сно, и во ве́ки веко́в. Ами́нь.




**Свята́го благове́рнаго кня́зя
Фео́дора Яросла́вича Влади́мирскаго
(†30 сентя́бря 1246)**

Тропа́рь, глас 8:

В жизни сей утверди́ся ве́рою, / в за́поведех Господних пребыва́ше непрекло́нен, / благоугодных То́му, я́ко благочести́в самоде́ржец / Емуже подо́бся о вруче́нных ти христоименитых лю́дех, / ду́шу свою́ положи́ти потща́вся, / в зе́млю идя́ше всезлу́ю и безбо́жную / и та́мо, пред нечестивым мучителем Христа́ дерзнове́нно испове́дав, / мученический вене́ц при́ят, / те́мже, премудре Феодоре Яросла́виче, / Иза́вителя моли́ изба́вити от бед оте́чество твоё и лю́ди, / да ты вси непреста́нно почи́таем.

Конда́к, глас 3:

Ревностию Божественною разже́гся, / оплева́в ца́рство и сла́ву тле́ющую, / изво́ли за Христа́ умре́ти, / неже́ли кроме́ Христа́ жи́ти, / нечестивых зако́ну не подчини́вся / и сегó ра́ди за Христо́ву ве́ру венча́вся, / кро́вию при́ят вене́ц нетле́нный, / Феодоре Яросла́виче.



Собор святых, в земле Владимирской просиявших, установлен в 1982 году, по благословению Святейшего Патриарха Московского и всея Руси Пимена, в день празднования Владимирской иконы Божией Матери — 23 июня/6 июля.

Собор Владимирских святых.

Святители: митрополиты: Максим (†1305), Алексей (†1378), Иона (†1461), Иларион (†1707), архиепископы: Дионисий (†1385), Арсений (†1627), епископы: Феодор (†1023), Симон (†1 пол. XII в.), Иоанн (†1214), Симон (†1226), Серапион (†1275), Феодор (†1286), Василий Рязанский (†1295), Кирилл Ростовский (†1384), Софроний (†1654), Митрофан Воронежский (†1703). **Благодарные князья:** Глеб (†1015), Константин

(†1129), Михаил и Феодор (XII) Муромские, Борис Туровский (†ок. 1160), Изяслав (†1165), Мстислав (†1172), Андрей Боголюбский (†1174), Глеб (†1174), Михаил (†1176), Петр Муромский (†1228), Георгий (†1238), Василько Ростовский (†1238), Всеволод, Мстислав, Владимир, Димитрий (†1238), Феодор (†1246), Святослав (†1253), Александр Невский (†1263), Димитрий (†1269), Димитрий (†1294), Феодор Стародубский (†1330). **Благодарные княгини:** Ирина (†ок. 1129), Феврония (†1228), Агафия, Феодора, Мария и Христина (†1238), Евдокия (XIV). **Преподобные:** Никита Переяславский (†1186), Илия Муромец Печерский (†ок. 1188), Пахомий архимандрит и Феодосий (†1237), Даниил Успенский (†1238), Михаил-верижник, Вязниковский (†1333), Сергей Радонежский (†1392), Роман Киржачский (†1392), Пахомий Нерехтский (†1384), Евфимий Суздальский (†1404/1405), Стефан Махрицкий (†1406), Никон Радонежский (†1426), Косма Яхромский (†1492), Иов, архимандрит Владимирский (XV), Аркадий Вязниковский (†1592), Прохор и Вассиан Ястребские (†1592), Дионисий Переяславский (†1645), Лукьян Александровский (†1654), Корнилий Александровский (†1681), Зосима Александровский (†ок. 1713); **преподобные жены:** Мария (в иночестве Марфа) (†1206), Феодосия (в иночестве Евфросиния) (†1244), Евфросиния Суздальская (†1250), Васса (в иночестве Феодора) Нижегородская (†1378), София (†1542), Феодосия Муромская (XVII). **Мученики:** Авраамий Болгарский (†1229), Митрофан архиепископ (†1238), Патрикий священномученик (†1411). **Праведные:** Георгий и Иулиания (†1604) Муромские, Карп Медушский, Ковровский (XVII), Савва Мошопский (†1592). **Блаженные Христа ради юродивые:** Киприан (†1622), Евдокия (†1776), Парфений (†2-я пол. XVI в.) Суздальские.



Святѣя мученицы Агрипины

Стихиры мученицы, глас 4.

Подобен: Дал еси знамение:

Рим тя предлагаёт, / якоже цветоносный шипок
благовонен, / Агрипино многострадальная, /
верных мысль благоухая вонями добродетельными / и злосрадие страстей отгоняя
благодатию всегда, / мучеников удобрение, /
Церкве утверждение, / дев похвала и чудес
пучина.

Богатство яко многоценно, Сикелии ты даёт, / в
Риме пострадавшую, Христос Бог наш, / идеже
пришедши, славная мученице, / демонов лукавое
множество отгониши / предстательством твоим. /
Темже ты ублажаем / и святое твоё днесь празднуем
страдание, / Агрипино многострадальная.

Ношаху на раменах ты Васса и Павла, / повелением
всяческая Носящаго, / места прменяюще и
долготу пучины, / мученице Агрипино, / чудодейства
страшная совершающи Божественною
благодатию, / почила еси на месте, / идеже Бог
учини, / утружденным покой бывши, всехвальная.

Ины стихиры Богородицы, глас и подобен тойже.

Егда поёши аллилуия, сии стихиры глаголи прежде:

Радуйся, солнцезрачная луче, / Солнца незаходя
димаго престоле, / Яже Солнце возсиявши недоу
менное. / Радуйся, уме, облистаяй Божественными
сияньми, / заре молнииная, осветившая земли
концы, / истинное злата блистание, / вседобрая
и Пренепорочная, / Свет невечерний верным обли
ставши.

Скверну отмый страстного сердца моего, / Бого
родице Всепетая, / и вся язвы и гноения сего, / яже
от греха, очисти, Чистая, / и ума моего устави
непостояние, / яко да силу Твою и великое

заступлѣние / величаю, окаянный и непотрѣбный раб Твой.

Нѣмощь и разслаблѣние, / Дѣво Мати Всенепорочная, / души моея преложи в крѣпость и силу, / страхом и любовью творити же и дѣяти оправдания Христова, / яко да избѣгну огня нестерпимаго / и наследие Небѣсное и жизнь непреходимую / Тобою восприиму, веселяся всегда.

Слава, и ныне, глас и подобен тойже:

Бесовскими преклонена прилогми / и в ров погібели ввѣржена, / ущѣдри, Владычице, / и утверди мя на камени добродѣтелей, / и, навѣты вражия разорши, / сподоби мя творити повеления Твоего Сына и Бога нашего, / яко да улучу оставлѣние в День суда.

Крестобогородичен, подобен тойже:

Распинаема Христа Человеколюбца видящи Пречистая / и ребра ископоваемая копием, / плачущи, вопиаше: / что сие, Сыне Мой? / Что Ти безблагодатнии людие воздаша, / за яже сотворил еси добрая им, / и тщишия безчадствовати Мя, Вселюбезнейший? / Удивляюся, Благоутробне, Твоему вольному распятию.

Тропарь, глас 4:

Агница Твоя, Иисусе, Агрипина / зовѣт велиим гласом: / Тебѣ, Женише мой, люблю, / и, Тебѣ ищущи, страдальчествовую, / и сраспинаюся, и спогребаяюся крещению Твоему, / и стражду Тебѣ ради, / яко да царствую в Тебѣ, / и умираю за Тя, да и живу с Тобою; / но, яко жертву непорочную, прими мя, с любовью пожержуюся Тебѣ. / Той молитвами, яко Милостив, спаси души наша.

Канон, егоже краегранесие: Христову невесту Агрипину хвалю. Глас 4.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.

Сиянием благодати, облиставшим тебе свѣше, мрак отжені невѣдения моего / и подаждь ми молитвами твоими, Агрипіно, благодать / воспѣти твою, мученице, чудеса.

Солнца светлейши яко истинно возсияла еси на тверди Цѣркве Христовы / и просветила еси зарями подвиг, мученице, и чудес твоих міра концы.

Жениха безсмертнаго, Жизнодавца желаючи, яко дар, страданіе Сему принесла еси / и восприяла еси Небесное Царство и венец нетленен, мученице славная.

Рукою Владыки твоего окормляема, преплыла еси непостоянное море нечестія, честная, / и устремилася еси ко пристанищу вышних светлости, Агрипіно Богоблаженная.

Богородичен: Денница возсия в сердцах, Пренепорочная, верою чтущих Тя, Божию Матерь, / и озари день светоносный, Христос, / Иже из ложесн Твоих возсия, Препетая.

Песнь 3

Ирмос: Лук сильных изнеможе, / и немощствующии препоясашася силою, / сего ради утвердися в Господе сердце мое.

Жезлием биема, радовашеся, сими кости нечестія сокрушаючи и вопиючи: / Твоея любве ничтоже мя разлучит, Христэ.

Да врагов наготу обличиши, мученице, риз совлеклася еси, / сего ради нетленія одежду тебе Христос даде.

Уста, глаголющая беззаконно на тя, законно, Христова мученице, заградися, / величія Спаса проповѣдающей ти.

Протяг на земли тело твое, нечестія служитель осуетися, / простерт бо ко Владыце ум твой имела еси.

Богородичен: Глагол благочестно исполнися Исaiин: / Дева бо роди воплощенна Жизнодавца и Спаса душ наших.

Седáлен, глас 4.

Подóбен: Скóро предварí:

Иже кáмению служа́щи прелестию мно́гою отягчавáют кáмением тя, / исповéдающую Христá, кáменя необорíмага. / Тёмже, скончáвшись, преслáвных чудес, слáвная Агрипíно, облистáла еси зарю́, / просвещáющую дúши нас, восхваля́ющих тя.

Слáва, и ны́не, Богорóдичен:

Еди́на, рóждшая Творца́ всех, / еди́на, украсившая челове́чество Рождество́м Твоём, Богоневéсто, / избáви мя от сéти льстíваго врага́, / поста́ви мя на кáмени Христóвых хотéний, / Того́ моля́щи прилэжно, Егóже воплотíла еси́.

Крестобогорóдичен:

На Крестé Тя возв́шена я́ко узрé Пречíстая Мáти Твоя́, Сло́ве Бóжий, / мáтерски рыда́ючи, вещáше: / чтó нóвое и стрáнное сие́ чúдо, Сы́не Мой? / Кáко, Жизньъ всех, вкушáеши смёрти, / оживíти мёртвыя хотя́, я́ко Милосéрд?

Песнь 4

Ирмос: Седя́й в слáве на престóле Божества́, / во óблаце лéгце / при́де Исусъ Пребожéственный / Нетлénною Длáнию и спасé зовúщия: / слáва, Христé, силе Твое́й.

Вóлю Того́ боя́щихся творя́й Ангелом, мúченице, разрешáет тя уз и стеснénия, / разорíвшую вся́кое нечэстие соúзом любé Христá, Женихá твоегó.

Умертвívшись любé рáди Умертвívшаго всю крéпость смёртную, / благодáть источáеши присноживóтную, / страстьми́ умерщвлénныя исцеля́еши, Агрипíно, / мúчеников Христóвых удобрénие.

Превозшэдши любóвию Женихá твоегó вся́ку плотскúю любóвь, / терпéла еси́ твёрдо, внегда́ биéме б́йти болéзненне, вопию́щи: / не разлучíт мя любé Твоея́, Христé, мук прещénие.

Блажénнаго совокуплénия трóичным желáнием пострада́вших / Вáссы и Агрипíны целомúдрыя ктó мúжество изречёт? / Имже показáша нéмощну идольскую крéпость держáвно.

Богородичен: Царіца Дѣва, златою одѣждою украшена, Сѣну Царю ныне предстоитъ, / Яже без разсужденія Ангелы превосходящи, зовущія: / слава, Христѣ, силе Твоей.

Песнь 5

Ирмос: Ты, Господи, мой Свет, / в мир пришёл еси, / Свет Святыи, обращаи из мрачна невѣденія / верою воспевающія Тя.

Свет незаходимый, всельшиися в твоѣ тѣло, являше тя зрящим в нощи, яко во дни, / зарю, чудес испущающую.

Нескверная агница, Пастыря стопамъ послѣдующи, / якоже жертва непорочна, Сему принесеса божественно.

Ум имущи светел, пророчества исполнен, / будущая, яко сущая, славная Вассо, / предглаголати сподобилася еси.

Богородичен: О Мати Божия, души моея озлобленіе исцели, / рождающая Преплагаго Слова, всех ублажающая.

Песнь 6

Ирмос: Пожру Ти со гласомъ хваления, Господи, / Церковь вопиетъ Ти, / от бесовския крове очищися / ради милости от ребр Твоихъ / истекшею Кровию.

Облиставшее от Рима, яко незаходимое солнце, / тѣло святыя мученицы Сикелія приѣмши, / мрака демонскаго избавляется лютости.

Доблественно требогатыя святыя мученицы, яже прежде смерти умершия, / в чаянии мучения, умершее твоѣ живоносное тѣло принесоша.

Оружие врага на тебе изнеможе, / ибо, яко град, низложила еси, неимущ основанія, сего гордыню, Агрипино, / трудомъ славныхъ подвиговъ твоихъ.

Исцеляется прикосновениемъ тѣла твоего кровоточивая, / прокаженнии очищаются, верою притекающе, / отбегаетъ же и ин всякъ недугъ призываніемъ святаго твоего, мученице, имени.

Богородичен: Глаголы Гавриѣла, Дѣво Всенепорочная, ныне приѣмше, вопиѣмъ: / радуйся, Мати единая благословенная, / радуйся, двѣре, Солнца правды имущи.

Конда́к, глас 4.

Подобен: Явился еси:

С вѣтлых по́двиг твои́х светонóсный настá день, / вóньже почита́ющи сих, Божѣственная Цѣрковь вся созыва́ет вѣсело вопі́ти тебѣ: / ра́дуйся, де́во и мученице, Агрипи́но всечестна́я.

Песнь 7

Ирмос: Спасѣй во огні авраа́мскія Тво́я о́троки / и халдеи убив, / я́же Пра́вда пра́ведно уловля́ше, / препе́тый Го́споди, / Бо́же оте́ц на́ших, благословѣн еси́.

Голуби́ца, якоже злата́, ору́жием Крестá огражда́ема, / агаряны, я́же в но́щи ко гра́ду тво́ему прибли́жившияся, потреби́ла еси́, / спа́си ве́рныя от скверноуби́йства сих, мученице.

Многови́дныя Христа́ ра́ди претерпе́вши болѣзни, мученице, / небо́лезненно обре́ла еси́ в том и безсме́ртно наслажде́ние, зову́щи: / препе́тый Го́споди, Бо́же оте́ц на́ших, благословѣн еси́.

Священник чу́дный и чудодѣ́йством сия́я, тво́я чудеса́ зря, Агрипи́но, / Бо́га велича́ше и, веселя́ся, поя́ше: / Бо́же оте́ц на́ших, благословѣн еси́.

Тве́рым по́мыслом тве́рдое тво́е к страсте́м нося́щи те́ло, / же́нскую ника́коже чу́ла еси́ не́мощь, зову́щи, де́во, Влады́це: / благословѣн еси́, Го́споди, Бо́же оте́ц на́ших.

Богородичен: Ро́ждшая Бо́га, пребыва́еши по рождестве́ Де́вою / и млеко́м пита́еши ма́терски подобно́ Пита́теля ми́ра, Пренепоро́чная, / Е́муже пою́ще, зове́м: / Бо́же оте́ц на́ших, благословѣн еси́.

Песнь 8

Ирмос: О́троки благочесті́выя в пе́щи / Рожде́ство Богородичо́ спасло́ есть, / тогда́ у́бо образу́емое, / ны́не же де́йствуемое, / вселѣ́нную всю воздви́зает пе́ти Тебѣ: / Го́спода по́йте, дела́, / и превозно́сите Е́го во вся ве́ки.

Но́щь, яко́ день, зря́шеся нося́щим, мученице, тво́я мо́щи. / Ме́сто благоуха́шеся вся́ко, тя приѣ́млющее. / Де́монское ополче́ние вельми́ отгоня́шеся. / Исцелѣ́ний изли́ваются ка́пли превозно́сящим Христа́ во вся ве́ки.

Жениха́ безсмертнаго желаючи, в след благоуханий Сего текла еси, / Того страстем и смерти подобящися, мученице славная, и зываючи: / Господа пойте, дела, и превозносите Его во веки.

Несумненну имущи веру, / елеем просвещши кровей твоих, мученице, свещу твою, / внутрь вошла еси чертога Небесных радости, поючи: / Господа пойте, дела, и превозносите Его во веки.

Видети красоту Господню, Сего же Церковь посещати желаючи, / яко на колеснице крове своей вземшися, поючи, к Сему достигла еси: / Господа пойте, дела, и превозносите Его во веки.

Богородичен: **Купина**, яже прежде прообразоваше странное рождества Твоего таинство, / неопальна пребысть, Пренепорочная: / ибо огонь родила еси Божества, неопальна пребыла еси, Отроковице, / темже Тя поем во вся веки.

Песнь 9

Ирмос: **Камень** нерукосечный / от несекомья горы, Тебе, Дево, / краеугольный отсечеса, / Христос, совокупивый разстоящая естества. / Тем, веселящеса, Тя, Богородице, величаем.

Манием вся творящаго к концу мучения Агафоника с Вассою вкупе и Павлою усердно тщашеся, / яко войстинну дружбно, обретоша желания край.

В небесных чертозах вселившись, дево, / и невидимых доброты смотряючи, и приемлющи Божию светлость, / ты поющая уясни.

Венец положися благодатей на версе твоём, Агрипино, / яко скончавшей течение и веру соблюдавшей некрадому, / и праведных чинове красно ты прияша.

Яко предстоящи Зиждителю со дерзновением Владыце, / мученице Агрипино, со всеми от века святыми / проси согрешений прощения ты поющим, добрая дево.

Богородичен: **Вся** Содержащаго матерски подобно Твоими руками носящи, Дево Марие, / руки мя избави борца, / яко да Твое, спасаемь, восхваляю величие.

Святая мученица Агрипина, родом римлянка, не пожелала вступить в брак, всецело посвятив свою жизнь Господу. Во время гонения на христиан при императоре Валериане (253—259) святая предстала перед судом и мужественно исповедала свою веру во Христа, за что была предана на мучения. Святую деву били палками так, что кости ломались. Затем святую Агрипину зако-

вали в цепи, но Ангел освободил ее от уз. От перенесенных мучений святая исповедница скончалась. Христианки Васса, Павла и Агафоника тайно взяли тело святой мученицы и увезли в Сицилию, где от ее гроба совершались многочисленные исцеления. Около XI века мощи святой мученицы Агрипины были перенесены в Константинополь.

В
ТОЙЖЕ
ДЕНЬ



Праведнаго Артэмия Веркольскаго

НА ВЕЛИЦЕЙ ВЕЧЕРНИ

На Гóсподи, воззвах: **стихіры на 8, глас 1:**

Возлюбив Бóга от младенства, / послушлив был
Есі родителю твоєму, праведне Артэмие, / и,
труды полагая земныя, / желал есі насыщатися
пищи в поте лица твоего; / темже и сподобился есі
вечныя жизни / и во обителех святых пребыва-
еши, / моли ўбо Человеколюбца Бóга / о спасении
дўш наших.

В день трудов твоих / небо помрачїся иногда
облаки, / и ветренному дыханию умножшуся и
молниям блистающим, / возрєв горє, преславне
Артэмие, / во страє Бóжием испустил есі дўшу
твою / и преселился есі в Царствии Небесное, / в
селениях преподобных моля Христа Бóга / о
спасении дўш наших.

Во юности во цвете вселився во блаженную
жизнь / и Небесныя дары приим от Владыки всех, /
Ему усердно предстоиши, прехвальне Артэмие, / и
ликующи со Ангелы, / преславный венец нося на
версе своем, всечестне, / от Вседержителевы ру-
ки, / Егóже моли о спасении душ наших.

Слава, глас 8:

Приидите, вернии, / всечестный праздник соста-
вим: / предивнаго в чудесах Артэмия, / благоче-
стную ветвь во юности во цвете, / воспойм и

возвеличим днесь. / Ты же, о всехвальноне Артэмие, / воздежи руже свой ко Господу, / да избавит нас от обдержажщих ны болéзней, и бед, и скорбей, / да сохранит же нас от враг видимых и невидимых, / и сподобит Царствия Небеснаго, / и подаст миру велию милость.

**И ныне, Богородичен: Царь Небесный:
Вход. Прокимен дне. Чтения три мученическая.**

Пророчества Исаиина чтение (глава 43):

Тако глаголет Господь: / вси языцы собращася вкупе, и соберутся князи от них. / Кто возвестит сия в них? / Или, яже от начала, кто слышана сотворит вам? / Да приведут свидетели своя, и оправдятся, / да услышат, и да рекут истину. / Будите Ми свидетели, / и Аз Свидетель, глаголет Господь Бог, / и отрок, егоже избрах. / Да познаете и веруете Ми / и разумеете, яко Аз есмь, / прежде Мене не бысть ин бог, и по Мне не будет. / Аз есмь Бог, / и несть, разве Мене, спасаая. / Аз возвестих и спасох, / уничижих и не бе в вас чуждый. / Вы Мне свидетели, и Аз Господь Бог, / и еще от начала Аз есмь, / и несть от рук Моих избавляя. / Сотворю, и кто отвратит то? / Сиче глаголет Господь Бог, / избавляя вас Святыи Израилев.

Премудрости Соломоновы чтение (глава 3):

Праведных души в руке Божией, и не прикоснется их мука. / Непщевани быша во очесех безумных умерети, / и вменися озлобление исход их. / И еже от нас шествие — сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, / великими благодетельствовани будут, / яко Бог искуси я и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стéблию, потекут. / Судят языком и обладают людми, / и воцарится Господь в них во веки. / Надеющиеся Нань, разумеют истину / и вернии в любви пребудут Ему; / яко благодать и милость в преподобных Его / и посещение во избранных Его.

Премудрости Соломоновы чтение (глава 4):

Праведник аще постигнет скончатися, в покое будет. / Старость бо честна не многолетна, / ниже в числе лет исчитается. / Седина же есть мудрость человеком, / и возраст старости — житие нескверное. / Благоугоден Бóгови быв, возлюблен бысть / и живый посреде грешник преставлен бысть. / Восхищен бысть, да не злоба изменит разума его, / или леть прельстит душу его. / Рачение бо злобы помрачает добрая, / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Люди же видевше и не разумевше, / ниже положше в помышлении таковое, / яко благодать и милость в преподобных Его / и посещение во избранных Его.

На литии стихиры, глас 8:

Восхваляем песньми священными / чудотворения твоя, преславне Артэмие: / ты бо, яко врач хитрый, / явился в Двинской стране, / даруеши здравие человеком / и чудес дарование источаеши, / и Господеви ходатай о всех предстоиши, / и молишися о душах наших.

Новаго страстотерпца Артэмия / песньми духовными воспоём, / просиявшего чудесы своими; / той бо, яко не созрелый клас, пожатый / от всех Творца и Господа, / преставися в жизнь некончаемую, / предстояти Престолу Его / и молитися о душах наших.

Преславная память твоя, Артэмие, / и мочи твоя, яко пресветлая заря, возсия, / Божественною благодатию невредими ничимже / и источающи преславная чудеса. / Темже ти ныне вопием: / не забуди ны, молися Христу Бóгу / о душах наших.

Слава, глас 6:

Днесь стецемся, вернии, / в пречестную память премудраго отрока и страстотерпца Артэмия, / и песненными похвалами воспоём, глаголюще: / радуйся, делателю благий земли, / от неяже плоды к Бóгу приносишь / и приемляй добрыя класы; / радуйся, светильниче пресветлый, / иже многими

чудесы просвещаяй концы вселенныя; / радуйся, врачу хитрый душам и телом. / И ныне, преславне Артэмие, / не преста́й моляся Христу́ Бо́гу / о́йже ве́рою и любóвию / чту́щих приснора́достную и всепра́зднственную па́мь твою́.

И ныне, Богорóдичен.

На стихóвне стихи́ры, глас 2:

Киими похва́льными пёсньми / воспоём пресла́внаго в чудесéх Артэмиа, / в настоя́щий сей день соше́дшеся в пречестнём хра́ме? / Яко просвети́ся чудодéйствы свои́ми: / слепы́я просвещая́, прокаже́нныя очища́я, / боля́щия исцеля́я, / вся приходя́щия от недúг избавля́я; / егóже просла́ви Христóс Бог наш, / имéяй ве́лию мýлость.

Стих: Пра́ведник, я́ко фíникс, процветёт / и, я́ко кедр, я́же в Ливáне, умно́жится.

Киими духо́вными похвала́ми / восхва́лим чудотворца́ Артэмиа? / Подаёт бо неоску́дная исцеления / и мо́лится о нас и за вся ве́рныя лю́ди, / о́еже спастис́я нам, / тогó па́мь ве́рно чту́щим; / егóже венцы́ венча́ет Христóс Бог наш, / имéяй ве́лию мýлость.

Стих: Наса́ждени в до́му Господни, / во двóрех Бо́га на́шего процвету́т.

Киими похва́льными добрóтами / ны́не просла́вим тя́, пра́ведне Артэмие, / в честнём пра́зднице твоея́ па́мь духо́вно пра́зднующе? / Моли́ся Христу́ Бо́гу за лю́ди своя́: / тебе́ бо те́пла предстáтеля, и храните́ля, / и моли́твенника ко Влады́це стяжа́хом, / подаю́щему ми́рови ве́лию мýлость.

Сла́ва, глас 4:

Егда́ изше́л еси́, премýдре Артэмие, / труды́ своя́ полага́ти, / двоюна́десяти лет сый, / тогда́ ўбо ве́лию б́вшу ветренему́ дыха́нию с шумом стра́шным, / помрачи́ся не́бо тученóсными о́блаки, / дождю́ разлива́ющуся и грóмному гла́су шумя́щу / и мо́лниям ве́лиим блиста́ющимся; / ты же, преподо́бный о́троче, страхом одержи́м был еси́ / пре́дал ду́шу твою́ в ру́це Бо́жии, / те́ло же твое́ бысть положéно на пу́сте ме́сте; / но Бог возвы́си е десни́цею Своёю, / по мно́гих лётех просла́вив

чудесы Своими / во стране верней отечества
твоего, / и ныне, преславне, моли / спастися душам
нашим.

И ныне, Богородичен.

Тропарь, глас 2:

Вышняго повелением, / тученосным облаком,
небо помрачившим / и молниям блистающим, /
грому же возшумевшу с прещением, / испустил еси
душу твою в рuce Господеви, / премудре Артемие, /
и ныне предстоиши Престолу Владыки всех, / иже
верую и любовью приходящим к тебе, / подай
исцеление всем неотложно / и моляся Христу
Богу, / спастися душам нашим.

Слава, и ныне, Богородичен: Вся, паче смысла:

НА УТРЕНИ

**На Бог Господь: тропарь святого, дважды.
Слава, и ныне, Богородичен.**

По 1-м стихословии седален, глас 1:

Божественное желание возлюбив / и жилище
быв Святому Духу, / пречестными чудесы сияя,
благочестиве Артемие, / со Ангелы веселяся и с
мученики пребывая, / моляся Христу Богу, мир
мирови испроси / и душам нашим велию милость.

Слава, и ныне, Богородичен:

Упование христианом, Пресвятая Дево, / Егоже
родила еси, Бога, паче ума и слова, / непрестанно
моли с Вышними силами и с преподобным
Артемием / дати оставление грехом нашим.

По 2-м стихословии седален, глас 3:

Память твою всесветлую возвеличим днесь / и
песньми Божественными ликование составим, все-
честне Артемие: / ты бо Небесныя дары приемле-
ши, / иже подаеши недуг исцеления приходя-
щим к тебе с верою, / и молишися к Богу, да подаст
мирови велию милость.

Слава, и ныне, Богородичен:

Чистоте Твоей, Богорадованная, / Архангел Гав-
риил предстоя дивляшеся и вопияше: / о Невесто
Неискусобрачная, Отроковице Неблазненная, /

како Ти изреку прѣжде век сокровѣнную тайну? / Ты бо еси Небѣсным и земным соединѣние. / Радуйся, Обрадованная, Господь с Тобюю.

По Хвалите Имя Господне: величание:

Величаем тя, / страстотѣрпче Христов, Артѣмие, / и чтим святую память твою, / ты бо молиши за нас / Христа Бога нашего.

Псалом избранный: Бог нам прибежище и сила:

По полиелѣи седален, глас 8:

Явился еси чуден и предобр угодник Небеснаго Царя, / просвѣщая на земли живущия чудесы твоими, Богомудре Артѣмие; / сего ради приходящии к тебе облобызают честно мѣщи твоѣ / и верою почерпают исцелѣние от неисчерпаемаго источника. / Тѣмже, преславне Артѣмие, / моли Христа Бога спасти души наша.

Слава, и ныне, Богородичен:

Яко Дѣву и едину в женах, Ты без семени рождшую Бога плотию, / вси ублажаем, роди чловѣчести: / Огнь бо вселися в Тя Божества, / и яко Младенца питаеши Зиждителя и Господа. / Тѣмже, ангельский и чловѣческий род, достойно славим пресвятѣе рождество Твое / и согласно вопиѣм Ти: / моли Христа Бога грехов оставление даровати / поклоняющимся верою пресвятѣму рождеству Твоему.

Степѣнна, 1-й антифон 4-го гласа. Прокимен, глас 4: Хвалите, ѡтроцы, Господа, / хвалите Имя Господне. Стих: Буди Имя Господне благословенно от ныне и до века. Евангелие от Марка, зачало 44 от полу (10, 13—16).

По 50-м псалмѣ стихира, глас 8. Самогласен:

Страх Господень обиде тя, / и гром велий возгласи над тобою, / Богоугодне Артѣмие, / ты же, преселився в вѣчныя обители, / и приѣв житѣльство с мученики, / ликовствуѣши со ангельскими чинми, / предстоиши у Престола Владычня, / и нося венѣц нетлѣнный / от Спаса Христа Бога, / Ему же

моли́ся о предстоящих ти лю́дех, / во е́же спасті́ся душáм их.

Канон, глас 8. Хвалу́ поём чудотворенію.

Песнь 1

Ирмос: *Посеченный несекомаго пресече, / и виде солнце землю, юже не виде, / лютаго врага вода потопи, / и непроходимое пройде Израиль. / Песнь же воспевашеся: / Господеви поим, славно бо прославися.*

Пречестная твоя́ пáмьятъ просія, / и рáка твоя́ мнóгая исцеленія прояви, / Богомúдре Артэміе, приходя́щим к тебе, / песнь же воспевашеся: / Господеви поим, славно бо прославися.

Посече́ся враг от Влады́ки всех, / Иже прият дýшу твою́ в пречы́стия рúце; / ты же благодáть приял еси́, блаженне, недужныя исцеля́ти. / Сего́ рáди песнь воспевáем: / Господеви поим, славно бо прославися.

Предивный Господь, / видя врага́ и устрашáя того́ преццением грóзным, / и мóлниею паля, и водо́ю потопляя, / дýшу твою́ приял есть, Артэміе, / тéло же твоё в чудесéх просія, и́миже исцеля́емии вопіют: / Господеви поим, славно бо прославися.

Богородичен: Пречы́стая Дéво, рóждшая Превéчнаго Бóга, / Того́ моли́, да избáвит ны от напáстей, и бед лю́тых, и от лукаваго врага́, / мо́лим Тя, вопіюще: / поим Господеви, славно бо прославися.

Песнь 3

Ирмос: *Страх Твой, Господи, / всади в сердца раб Твоих, / и буди нам утверждение, / Тя во истине призывающим.*

Страх Твой, Господи, возгремé, / и страстотерпец Твой дух испусті́ и прият Цáрствие Небéсное, / ны́не же мóлится о всех, призыва́ющих Тя.

Престóлу Влады́чню предстоя́, Богомúдре Артэміе, / не преста́й моля́ся о и́же véрою приходя́щих к тебе / и тя призыва́ющих.

Исцеленія стру́й источáеши ко грóбу твоему́ приходя́щим, Артэміе, / войстинну́ ты призыва́ющим.

Богородичен: *Маріе, Мати Христá Бóга, / помíлуй молящихся Тебé, / несумнённою véрою войстинну Тя призывающих.*

Седáлен, глас 4.

Подóбен: *Удивíся Иóсиф:*

От младéнства душéю Бóгу прилепíвся, / двоюнадесяти лет к Бóгу престáвился есí / и, в вéчное Цáрство вселíвся, / приял есí дар от Бóга / недúжныя исцеляти, прокажéнные очищáти, / слепым óчи отверзáти, лукавыя дúхи прогоняти / и от трясавиц избавляти с véрою тя призывающих; / непрестáнную благодáть у Христá испросí, Богоугóдне Артéмие, / и душáм нáшим véлию мíлость.

Слáва, и ны́не, Богородичен:

Удивíся Иóсиф, ёже пáче естества зря, / и внимáше мýслию руновному дождю, / в безсе́менном зачáтии Твоём, Богородице. / Ты бо и купина есí, огнём неопаляема, / и жезл Аарóнов прозябший, / и свидéтельствуем обрúчник Твой и хранитель, священником вопия: / Дéва раждáет, и по рождествé пáки Дéвою пребúдет.

Песнь 4

Ирмос: *Услы́шах, Гóсподи, слух Твой и убояхся, / я́ко неизречéнным Совéтом, / Бог сый Присносущный, / от Дéвы пришёл есí, воплощся. / Слáва снизхождéнию Твоему́, Христé, / слáва síле Твоей.*

Услы́ша, Гóсподи, слух Твоего́ смотрénия, и убояся прáведный Артéмий, / егда́ неизречéнным свéтом мóлния возсия́ из тученóснаго óблака, и вопия́ше: / слáва снизхождéнию Твоему́, Христé, слáва síле Твоей.

Услы́шим и мы слух чудодéйствия твоего́, прáведниче Бóжий Артéмие, / и притецём к грóбу твоему́, с véрою вопию́ще Гóсподеви: / слáва снизхождéнию Твоему́, Христé, слáва síле Твоей.

Услы́ши нас, грéшных, / призывающих тя в скóрбех и в недúзех, / и дáруй исцелéние, свя́те Артéмие, / покланяющимся óбразу твоему́ и вопию́щим Влады́це всéх: / слáва снизхождéнию Твоему́, Христé, слáва síле Твоей.

Богородичен: Услыши ны, Пречистая Богородице Дѣво, молящияся Тебѣ, / и избави нас от врагъ видимыхъ и невидимыхъ, / яко да вопиѣмъ Господеву: / слава снизхождѣнію Твоему, Христе, слава силѣ Твоей.

Песнь 5

Ирмос: Страстей мя мглы, / яко от глубокия нощи избавляяй, / утреневати сподоби дух мой, молюся, / во свете дне повелений Твоихъ, Христе.

Страшныя мглы и темнаго облака устрашися Богомудрый Артемий / и преставися в вечный живот, / во свете дне повелений Твоихъ, Христе.

Страшныя мглы избави нас / и одержажая болѣзни исцели, премудре Артемие, / предстоай во свете дне повелений Христовыхъ.

Страстми многими одержимъ есмь / и стремлениемъ греховнымъ погруженъ; / избави мя, Господи, от прегрешений / молениемъ угодника Твоего Артемия.

Богородичен: Страшными Херувимы славима еси, Пречистая Дѣво, / избави нас от напасти / и возведи во свет дне повелений Сына Твоего.

Песнь 6

Ирмос: Бѣдна греховъ и прегрешений буря мя смущает / и во глубину нужднаго реет мя отчаянья, / но Твою крепкую руку мне простри, яко Петрови, / о Управителю, и спаси.

Двери Небесныя отверзюшася тебѣ, / и райскія пищи насладился еси, водворився в жизни вечней, / и со святыми пребываеши, Артемие; / молюся убо о нас Богу и от тли ны возведи.

Со Ангелы ликовствуеши, у Престола Владычня предстоай / и благодать имея исцеляти недуги любвию приступающихъ къ тебѣ, / премудре Артемие.

Имея к Богу Божественное дерзновение, преблаженне Артемие, / верую чистою хвалящихъ тя поминай, / от бурей и от напастей спасай и от тли возведи.

Богородичен: Даниил Ты гору мысленную провидѣ, / от неяже Камень отсечеса, Пренепороч-

ная, / и сниде от Небесі роса во чрево Твое, Богоразумием напоив землю: / Ты бо израстила еси Избавителя всех Творца.

Кондак, глас 8:

Возсия днесь пресветлая память премудраго Артемия; / Богоданная благодать, яко реки, изливаает от целебных мощей его дивная исцеления, / имиже от многоразличных недугов избавляемся, / с верою приемлюще я и взывающе: / радуйся, Артемие Богомудре.

Икос:

От юности возлюбив Бога и незлюбив сый, / в детстве явился еси, яко муж смыслен, / от громаго же прещения смерть вкусил еси / и угольник явился Владыце, пречудне Артемие, / положено же бысть тело твоё на пусте месте, / идеже обретошася мочи по тридесать третием лете преставления твоего, / чудеса творяща преславная и исцеления многа недужным, / с верою приходящим ко гробу твоему и вопиющим: / радуйся, Артемие Богомудре.

Песнь 7

Ирмос: Ангелом отроки из огня спасий / и гремящую пещь преложивый на росу, / благословен еси, Боже отец наших.

Ангели служат Вседержителю Богу / бывающим молниям и облаком громаным; / ты же, святе Артемие, конец жития от сего приемля, взывал еси: / благословен Господь, Бог отец наших.

Преселився в жизнь Небесную, / предстоиши Господеви, пребогате Артемие, вопия: / благословен Господь, Бог отец наших.

Чудодействия дар прием от Бога недуги исцеляти, премудре Артемие, / воспевал еси Господеви: / благословен Бог отец наших.

Богородичен: Пресвятая Дево, Христа рождши, / непрестанно моли о рабах Своих, / да вопием Господеви: / благословен еси, Господи, Боже отец наших.

Песнь 8

Ирмос: *Покрыва́яй вода́ми превы́спренняя Своя́, / полага́яй мо́рю предѣл песо́к / и содержа́й вся, / Тя поёт со́лнце, Тя сла́вит луна́, / Тебе́ прино́сит песнь вся тварь, / яко Содѣтелю всех во ве́ки.*

Покрыва́яй во́дными о́блаки небеса́ / и пролива́яй во́ды на зе́млю, / прият ду́шу пра́веднаго Артѣмья, возвеселя́ ю чудодо́йствы; / Ему́же вопи́ем, яко Содѣтелю всех во ве́ки.

Пречестны́я мо́щи твоя́ источа́ют чудеса́, блаже́нне Артѣмие, / мы же, здра́вие прие́млюще, прино́сим хвалу́ Го́сподеви, / яко Содѣтелю всех во ве́ки.

Пребоже́ственное селе́ние имѣя́й, / чудотворе́ния благода́ть прия́л еси́ от Вседержите́левы руки́, / и притека́ющие к тебе́ ве́рою мо́щи твоя́ лобызáют, пресла́вне Артѣмие, / и моли́твенно вопи́ют Бо́гу, яко Содѣтелю вся́ческих во ве́ки.

Богоро́дичен: *Еди́наго от Тро́ицы родила́ еси́, Препѣтая Де́во, Превѣчнаго Бо́га, / Егóже моли́ о воспевáющих Ти, / да изведѣт ны от обдержа́щих напáстей и бед, / яко да вопи́ем Творцу́ и Содѣтелю всех во ве́ки.*

Песнь 9

Ирмос: *Устраши́ся всяк слух / неизрече́нна Бо́жия снизхожде́ния, / яко Вы́шний во́лею снѣде да́же и до плóти, / от девическаго чре́ва быв Человѣ́к. / Тѣмже Пречи́стую Богоро́дицу, ве́рнии, велича́ем.*

Устраши́ся слух пра́веднаго о́трока Артѣмья, / от гла́са гро́ма Твоегó, Го́споди, / и преста́вление прият пречу́дный Артѣмий по Боже́ственной Твое́й во́ли, Влады́ко, / тѣмже Тя велича́ем.

Вопи́ем ти, Богому́дре Артѣмие, страсотѣрпче: / не оста́ви нас, си́рых, / но да́руй нам душе́вное спасе́ние, и телѣсное здра́вие, и по́мощь неосла́бну, / да ты ве́рою велича́ем.

Притеце́м, лю́дие, к пречестно́му о́бразу Артѣмья / и, припада́юще, возопи́им ему́: / бу́ди нам стена́ неруши́ма от супоста́т на́ших / и изба́ви от

враговъ видимыхъ и невидимыхъ, / да тя, вѣрнии, величаемъ.

Богородичен: Горá нерушима́я и дверь Небесная, / ковче́же златый, Влады́чице Де́во, / покрый нас кро́вомъ крилу́ Твоею и соблюди ны от всехъ зол, / да Тя, Пречы́стую Богородицу, вѣрнии, величаемъ.

Свети́лен.

Подобен: Жены́, услышите:

Яко свѣтлая звезда́, возсия́ша мо́щи тво́я, Артѣмие прехва́льне, / и, я́ко многоце́нный бисер, обрето́шася / многоразли́чная подающе́ исцелѣния и чудесъ зарю́ испущающе, / те́мже ны́не предстои́ши Влады́це всехъ, / во свѣте ра́дуяся.

Сла́ва, и ны́не, Богородичен:

Пресвѣтлая Цари́це Богородице, / ро́ждшая Христа́ Спа́са без се́мене от Свята́го Ду́ха, / от Отца́ исходя́щаго и просвети́вшаго вся вѣрны́я, / да́руй нам во Свѣте присносу́щемъ водвори́тися / и Ду́хом Бо́жиимъ освятити́ся, / я́ко да Тя, Богородице, сла́вимъ.

На хвалитехъ стихи́ры на 4, гласъ 4:

Пречестна́я па́мь тво́я, страстоте́рпче Артѣмие, / соверша́ется днесъ, / и восхваля́ются мо́щи тво́я пресвѣтлы́я, / чудесы́ сияющы́я; / вѣрнии же, притека́юще и здра́вие прие́млюще, / неду́ги разли́чными одержи́ми, / про́сят у Христа́ ми́ра ми́рови / и душáм на́шимъ ве́лию ми́лость.

Восхва́лимъ пѣсньми́ Божественны́ми / и возвели́чимъ тя, сла́вне Артѣмие, / иже измла́да Бо́га возлюбивъ / и по преставле́нии предсто́я Престо́лу Бо́жию, / мо́лишися, е́же изба́виться нам от врагъ видимыхъ и невидимыхъ, / и от одержáщихъ золъ сохрани́ ны, / и испроси́ у Христа́ ми́ра ми́рови / и душáм на́шимъ ве́лию ми́лость.

Проси́ял еси́ светозáрно во отѣчествии тво́емъ, / Богоуго́дне Артѣмие, / те́ло бо тво́е по лѣтехъ мно́гихъ обрѣтеся, / ничи́мъ же вре́ждено / и чудеса́ пресла́вная творя́щее, / хро́мбы́я, и слепы́я, и глухы́я, / и разсла́бленны́я исцеля́ющее, / и от тряса́вицъ изба́вляющее. / Проси́ у Христа́ миръ ми́рови / и душáм на́шимъ ве́лию ми́лость.

Слава, глас 2:

Возсия днесь пресвѣтлая радость, / и многоцелѣбныя мѡщи твоѣ источаютъ здравіе, / яко алавастръ міро, / недужныя исцеляюще, / лукавыя дѹхи прогоняюще / и отъ всякой язи избавляюще, / приидіте ѹбо, ныне / радостными усты восхвалимъ праведнаго и целомудреннаго Артемія, / сподобившагося таковыя благодати прияти, / той бо молился Христу Богу / спастися душамъ нашимъ.

И ныне, Богородичен.

Славословіе великое и отпу́ст.

НА ЛИТУРГІИ

Блаженны отъ канѡна, пѣсни 3-я и 6-я. Прокімен, глас 3: Хвалите, ѡтроцы, Господа, / хвалите Имя Господне. Стих: Буди Имя Господне благословено отъ ныне и до вѣка. Апѡстолъ къ Коринѳяномъ, зачало 154 отъ полу (1 Кор. 13, 11—14; 14, 1, 20). Аллилуія, глас 4: Радуйтесь, праведнии, о Господе, правымъ подобаетъ похвала. Стих: Всякія кончины видѣхъ конецъ, широкá заповѣдь Твоѣ zeló. Евангеліе отъ Матфеѣя, зачало 74 (глава 18, 1—5). Причастен: Радуйтесь, праведнии, о Господе, / правымъ подобаетъ похвала.

Молитва

Святѣйшій угѡдниче Божій, праведный Артеміе, пріснній хранителю святѣя вѣры Православныя и близкій защитниче всего сѣвернаго края Россійскія страны! Прізри милостивно на усердную молитву насъ, грѣшныхъ, и твоимъ благомощнымъ предстательствомъ испроси намъ у Господа прощенье согрѣшеній нашихъ, преспѣяніе в вѣре и благочестіи и огражденіе отъ козней диавольскихъ. Моли Господа, да хранитъ в здравіи и непремѣняемемъ благополучіи вѣрныхъ людей Своихъ, да подастъ странѣ нашей миръ и тишину, а намъ нелицемѣрное послушаніе, да сподобитъ всехъ насъ получитьи, по христіанстей кончинѣ, Небесное Царство, идеже вси праведнии вмѣстѣ с тобою вѣчно славятъ Отца, и Сына и Святѡго Дѹха. Аминь.

Святой праведный Артемий Веркольский родился в 1532 году в Двинском округе, в селении Верколе, что на реке Пинеге. Богобоязненные

родители его Косма и Аполлинарія воспитывали свое дитя во всякомъ благочестіи и чистотѣ. Уже с 5 летъ Артемій отличался отъ своихъ свер-

стников, чуждаясь обычных игр и забав. Однажды в 13-летнем возрасте святой Артемий пошел с отцом на поле. Неожиданно сверкнула молния, ударил гром, и отрок пал мертвым, хотя молния и не коснулась его. Крестьяне сочли случившееся за гнев Божий, поэтому тело отрока оставили непогребенным в пустынном месте, в основном лесу. Произошло это 23 июня 1545 года.

И вот однажды, 32 года спустя, клирик храма во имя святителя Николая чудотворца диакон Агафоник, проходя лесом неподалеку от местонахождения тела праведного Артемия, увидел воссиявший свет. И когда подошел ближе, то обрел нетленное тело отрока.

У местного крестьянина Калининка болел сын. Усердно молился Калининник о его исцелении, взял кусок бересты, покрывавшей нетленное тело праведного отрока и положил на грудь сыну, который тотчас выздоровел. Обрадованный отец рассказал о случившемся поселянам, и с того времени началось молитвенное почитание святого Артемия. Мощи его были положены на паперти Никольского храма в селе Верколе.

По молитвам святого получали исцеление многие больные, в особенности страждущие глазными болезнями. Житель Холмогор Иларион потерял зрение и доходил до отчаяния. В день памяти святителя Николая Чудотворца праведный Артемий явился страдальцу с посохом в левой и крестом в правой руке; осенив крестом больного, он сказал: «Встань, исцеляет тебя Христос рукою раба Своего Артемия; иди в Верколу, поклонись его гробу и Расскажи обо всем священнику и крестьянам», — после чего больной тотчас выздоровел.

Благодарные почитатели святого отрока перенесли его мощи с паперти храма в особый придел, устроенный в



1584 году. Мезенский воевода Афанасий Пашков в благодарность за исцеление своего сына построил храм во имя святого великомученика Артемия, небесного покровителя праведного отрока. В 1619 году мощи святого Артемия были освидетельствованы и перенесены (6 декабря) в этот храм. Через 30 лет, когда храм сторел, на месте вновь обретенных мощей, в период правления царя Алексея Михайловича, построили монастырь (1649), в который перенесли мощи святого. По преданию, у святого Артемия была сестра — праведная Параскева Пириминская, прославившаяся чудотворениями. Память праведного Артемия совершается также 20 октября, в день памяти тезоименитого святого великомученика Артемия (†ок. 363).



Святителя Германа, архиепископа Казанского
(Службу зри 6 ноября)

Тропарь, глас 4:

От юности яго Христово усердно восприим, /
бденными подвиги поста и молитвы просла-
вился еси. / Отонудуже призывающе тя Богу на
служение Церкви / в новопросвещенном царстве
Казанском, / вкупе со святителем Гურიем возван
был еси, / идеже яко первоначальник / созданной
тобою в граде Свяжске обители / и достойный
первосвятителю преемник явился еси. / Духом
предстоя Престолу Владычню, / молися, святителю
Германе, со святителем Гურიем / православней
пастве во благочестии преспевати / и тьме инове-
рия светом веры разгнати.

Кондак, глас 4:

Доблестями преподобия и правды / врученное
тебе словесное стадо озаряя / и на злчных
Слова Христова пажитях питаая, / на правый путь
заповедей Господних / силою духа твоего настав-
лял еси е. / Темже и ныне, осеняемое цельбоносны-
ми чудотворения твоими, / в святую память твою,
зовем тебе: / не престай, святителю,
предстательствовати / пред Пастыреначальником
о стаде твоём, / яко паствы твоея утверждение / и
сущим по тебе святителем удобрение.

**Второе перенесение мощей
святителя Германа, архиепископа
Казанского.**

Святые мощи святителя Германа, архиепископа Казанского, после перенесения из Москвы в Свяжский Успенский монастырь (первое перенесение, 25 сентября 1592 года) были положены в алтаре монастырского Успенского храма, где и покоились до начала XVIII века.

При казанском митрополите Лаврентии, управлявшем Казанской епархией с 1657 по 1672 год, была составлена служба святителю Герману и написано его житие. Автором

жития был инок Свяжского монастыря Иоанн, составивший жизнеописание святителя по благословению митрополита Лаврентия. В конце XVII века было установлено всероссийское чествование памяти святителя Германа. 6 октября 1695 года казанский митрополит Маркелл (1690—1699) переложил мощи в новую гробницу, тогда же часть их была передана в г. Симбирск по просьбе жителей города.

В 1714 году, при преемнике митрополита Маркелла Тихоне (1699—1724), останки святителя Германа были перенесены из алтара Успенско-

го храма и поставлены за левым клиросом между колонной и западной стеной. В память этого события 23 июня было установлено празднование. Митрополитом Тихоном была составлена особая служба, употреблявшаяся за богослужением в Свяжской обители до середины XIX века. В 1857 году архиепископ Евлампий, бывший Тобольский, живший в Свяжском монастыре на покое, составил

акафист святителю Герману, а в 1860 — новую службу.

Литература

1. Макарий (Булгаков), митрополит. История Русской Церкви, т. 6, кн. I. Изд. 2-е. СПб., 1887.
2. Житие святителя Германа, второго архиепископа Казанского, всея России чудотворца. Казань, 1894.



В
ТОЙЖЕ
ДЕНЬ

Преподобнаго Иосифа Заоникіевскаго (Службу зри 21 сентября)

Тропáрь, глас 5:

Смиренномудрием наказáние благодушне при-
емля, / иже от Небес неизреченный дар прияти
сподобился, / и в плóти сый, преподобне, / безплó-
тен в служении своем к Богомáтери трудолюбне
подвизáся, / бдении, пощении, слезáми и молítва-
ми, / имиже и пустыню многожительну устроил
еси, / благоухищренным же юродством человече-
ския славы избежá. / Сего ради Всевышний
Мздовоздáтель / в конец века сего сугубо ты
прослави, / и гроб твой святыи точением чудес
обогатися, / Егóже моли, преподобне óтче наш
Иосифе, / даровати нам отпущение грехов и велию
милость.

Кондáк, глас 8:

Вышних благ желаяи, / преобидел еси долу
влекущая мудрования, / и́бо трудолюбивое
свое тело / острым власяным плетением стерл еси, /
и бысть благоугоден служитель Богомáтере, /
страждущим в недүзех являясь, скоро помога-
еши, / и с верою притекающим к тебе неоскудное
здравие подаеши. / Сего ради зовем ти: / разреши
наша болезни душевныя и телесныя / еже к Богу
молитвами твоими, / началообразный смирению
наставниче, óтче наш Богомудре Иосифе, / мона-
хом удобрение.

Преподобный Иосиф Заоникиевский (в миру Иларион) родился в деревне Обухово в Вологодском крае. В молодости он страдал болезнью глаз и часто молился Господу Иисусу Христу, Пресвятой Богородице и святым бессребреникам Косме и Дамиану. Господь не оставил Своего верного раба.

В 1588 году, по откровению святого Космы (†284; память 1 июля), Иларион обрел в лесу, в болотистой местности Владимирскую икону Божией Матери, от которой исходил необыкновенный свет. От этой иконы он получил исцеление. В благодарность на месте исцеления Иларион поставил Крест и построил часовню, куда внес чудотворную икону. Там он и поселился и принял иноческий постриг с именем Иосиф.

Впоследствии, по благословению Вологодского епископа Ионы (1588—1603), он учредил в 16-ти верстах от Вологды Заоникиевский, в честь Владимирской иконы Божией Матери, монастырь.

По своему смирению преподобный

Иосиф отказался от игуменства и избрал нелегкий путь юродства во Христе. Он босой ходил по снегу, проводил долгие часы в келейной молитве. И так «благоухищенным юродством человеческия славы избежа», преподобный Иосиф на 83-м году жизни, 21 сентября 1612 года отошел в Царство Небесное.

Известен внешний облик святого: высокого роста, станом согбен, браду имел долгую и украшенную сединами. Мощи преподобного Иосифа погребены под спудом в монастырском Троицком храме. Празднование преподобному Иосифу установлено Вологодским епископом Павлом (1716—1725) в начале XVIII века. В лике святых почитаются также преемники преподобного: игумены Заоникиевские преподобные Антоний и Иоанникий. Память преподобного Иосифа совершается также 21 сентября, в день блаженной кончины.

В данном издании тропарь и кондак приводятся в исправленном виде. Поправки необходимо внести и в Минею — сентябрь.

